

3. A resolución da Alcaldía sobre a procedencia ou improcedencia de conceder as autorizacións para a utilización dos espazos, será notificada aos interesados e aos servizos encargados da súa execución. Si o concello non emite resolución en prazo a autorización considerarase desestimada en todo caso.

Disposición derradeira. Entrada en vigor e comezo de aplicación da ordenanza.

A presente ordenanza entrará en vigor unha vez se publique o seu texto de forma integra no BOP de Lugo e transcorra o prazo regulamentario ó que se refire o artigo 70 da Lei de bases de réxime local.”

Barreiros, 20 de xaneiro de 2015. O Alcalde. J. Alfonso Fuente Parga

R. 0247

Anuncio

Por Acordo Plenario de data de 24 de novembro de 2014, aprobouse inicialmente ó **Regulamento sobre exclusión da obriga de presentar factura electrónica naquelas facturas inferiores a 5.000 €** e, ó non terse presentado reclamacións durante o período de información pública, a aprobación provisional adquire o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

“REGULAMENTO SOBRE EXCLUSIÓN DE OBLIGACIÓN DE PRESENTAR FACTURA ELECTRÓNICA NAQUELAS FACTURAS INFERIORES A 5.000 €.

Artigo único.-

Facendo uso do previsto no artigo 4 da Lei 25/2013, de 27 de decembro, de Impulso da Factura Electrónica e Creación do Rexistro Contable de Facturas no Sector Público, este concello exclúe a obriga de facturación electrónica ós provedores cuxas facturas non excedan dun importe total de 5.000 €.

DISPOSICIÓN FINAL:

A presente ordenanza entrará en vigor o 1 de xaneiro de 2015, unha vez se publique o seu texto de forma integra no BOP de Lugo e transcorra o prazo regulamentario ó que se refire o artigo 70 da Lei de bases de réxime local.”

Barreiros, 20 de xaneiro de 2015. O Alcalde. J. Alfonso Fuente Parga

R. 0248

Anuncio

Por Acordo Plenario de data de 24 de novembro de 2014, aprobouse inicialmente á **Ordenanza do servizo de saneamento e depuración de augas residuais do concello de Barreiros** e, ó non terse presentado reclamacións durante o período de información pública, a aprobación provisional adquire o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

“ORDENANZA DO SERVIZO DE SANEAMENTO E DEPURACIÓN DE AUGAS RESIDUAIS DO CONCELLO DE BARREIROS.

INDICE

PREÁMBULO

CAPÍTULO I.- DISPOSICIÓN XERAIS

Artigo 1.- Obxecto.

Artigo 2.- Finalidades.

Artigo 3.- Infraestruturas e instalacións do Servizo Municipal de Saneamento.

Artigo 4.- Definicións.

Artigo 5.- Ambito de aplicación.

Artigo 6.- Explotación das instalacións do Servizo Municipal de Saneamento. Entidade xestora.

Artigo 7.- Relativo as normas de construción e urbanísticas.

CAPÍTULO II.- DEBERES DOS USUARIOS DA REDE DE SANEAMENTO MUNICIPAL

Artigo 8.- Usuarios suxeitos.

Artigo 9.- Obriga de conexión a rede municipal de saneamento.

Artigo 10.- Deberes dos usuarios.

CAPÍTULO III. EMPREGO DA REDE MUNICIPAL DE SANEAMENTO

Artigo 11.- Condicións previas a conexión.

Artigo 12.- Características básicas e requisitos da acometida a rede.

Artigo 13.- Prohibicións e limitacións.

Artigo 14.- Condicións para a utilización da rede municipal de saneamento.

Artigo 15.- Permiso de vertedura.

Artigo 16.- Solicitude do permiso de vertedura.

Artigo 17.- Procedemento para a obtención do permiso de vertedura.

Artigo 18.- Contido do permiso de vertedura.

Artigo 19.- Revisión do permiso de vertedura.

Artigo 20.- Revogación do permiso de vertedura.

Artigo 21.- Tratamento previo a conexión.

Artigo 22.- Dispensa do permiso de vertedura.

Artigo 23.- Situacións de emerxencia.

Artigo 24.- Censo de verteduras a rede municipal de saneamento.

Artigo 25.- Verteduras non canalizadas.

CAPÍTULO IV. INSPECCIÓN E CONTROL

Artigo 26.- Inspección e control por parte da entidade xestora.

Artigo 27.- Autocontrol das verteduras.

CAPÍTULO V. RÉXIME DE INFRACCIÓN E SANCIÓN

Artigo 28.- Infraccións.

Artigo 29.- Sancións.

Artigo 30.- Criterios para a graduación de infraccións e sancións.

Artigo 31.- Prescrición.

Artigo 32.- Potestade sancionadora: órganos competentes, procedemento e medidas cautelares.

Artigo 33.- Reparación do dano causado, obriga de restauración, multas coercitivas e execución subsidiaria.

Artigo 34.- Valoración de danos.

Disposición transitoria.- Obtención do permiso de vertedura e documentación que deben presentar os usuarios xa existentes.

Disposición derogatoria

Disposición derradeira

ANEXOS

ANEXO I.- SOBRE A CONTAMINACIÓN DAS VERTEDEURAS

A. Verteduras prohibidas.

B. Contaminantes das augas.

C. Verteduras con substancias perigosas.

ANEXO II.- VALORES LIMITE DE VERTEDEURA OU DE EMISIÓN

ANEXO III.- SOLICITUDE DO PERMISO DE VERTEVEDURA A REDE MUNICIPAL DE SANEAMENTO**ANEXO IV.- CLASIFICACION DOS SECTORES INDUSTRIAIS****ANEXO V.- CARACTERISTICAS TECNICAS DA ACOMETIDA****PREÁMBULO**

No **artigo 45 da Constitución española reconécese** o dereito de todos os cidadáns a gozar dun medio ambiente idoneo para o desenvolvemento da persoa, atribuíndoselles as administracións públicas, ademais, a función de velar por un emprego máis racional dos recursos naturais, e aos cidadáns, o deber de contribuír a súa conservación.

Un destes recursos e, sen dúbida, a auga, un auténtico patrimonio natural que ten asociados ao seu uso profundos valores, tanto sociais como ambientais, que comprende protexer e conservar. O modelo de xestión dos recursos hídricos debe tomar como base o ciclo natural da auga, considerando a súa preservación en excelente estado como o mellor legado e garantía para as xeracións futuras.

En política ambiental son cada vez máis as normas con orixe supranacional as que determinan o contido dos dereitos e obrigas da cidadanía, así como as competencias e o xeito de exercelas dos poderes públicos. No ámbito da auga, especialmente, o dereito comunitario ten unha relevancia cada vez maior, con exixencias cada vez máis específicas.

Nesta liña, a **Directiva da Unión Europea 2000/60/CE, do 23 de outubro de 2000**, pola que se establece un marco comunitario de actuación no ámbito da política da auga, establece a necesidade de velar pola protección dos ecosistemas acuáticos e promover o uso sustentable da auga a longo prazo. Esta Directiva Marco da Auga, en proceso de aplicación e desenvolvemento, introduce o concepto de bo estado ecolóxico dos sistemas hidroolóxicos como un reto de futuro inmediato. As exixencias da directiva teñen que conducir progresivamente a recuperación da calidade físico-química e biolóxica das augas superficiais e subterráneas.

Cas unha década antes, a **Directiva 91/271/CEE, do 21 de maio de 1991**, sobre tratamento de augas residuais urbanas, abordou o ambicioso reto de protexer o medio ambiente dos efectos negativos das augas residuais, principalmente urbanas, no medio natural, obrigando os Estados membros a adoptaren as medidas necesarias para garantir que estas augas fosen "tratadas" convenientemente antes da súa vertedura. Esta normativa foi trasposta no ámbito estatal español polo **Real decreto lei 11/1995, do 28 de decembro**, sobre normas aplicables ao tratamento das augas residuais urbanas, desenvolvido, a súa vez, polo **Real decreto 509/1996, do 15 de marzo**, que establece requisitos técnicos para os colectores e instalacións de tratamento e para as verteduras que chegan a eles (modificados polo Real decreto 1290/2012, do 17 de setembro).

Pola súa parte, o actual **texto refundido da Lei de augas, Real decreto legislativo 1/2001, do 20 de xullo**, establece entre os seus obxectivos prioritarios "protexer e mellorar o medio acuático establecendo medidas específicas para reducir progresivamente as verteduras, as emisións e as perdas de substancias prioritarias, así como eliminar ou suprimir de forma gradual as verteduras, as emisións e as perdas de substancias prioritarias" (art. 92, c), e regula detalladamente as verteduras que se poden realizar sobre o medio acuático, ben para prohibilas ou ben para sometelas a limitacións e controis. En particular, o seu artigo 100 establece a prohibición de realizar a vertedura directa ou indirecta de augas e de produtos residuais susceptibles de contaminar as augas continentais ou calquera outro elemento do dominio público hidráulico, agas que se conte coa autorización administrativa previa.

En desenvolvemento do citado texto refundido da Lei de augas, o **Real decreto 606/2003, do 23 de maio, polo que se modifica o Real decreto 849/1986, do 11 de abril, polo que se aproba o Regulamento de dominio público hidráulico**, concretou algunha das normativas aplicables as estacións depuradoras e as súas redes de colectores. Isto puxo de manifesto a necesidade de actualizar e unificar as normativas existentes, non só no que se refire as limitacións que lles comprende impor as verteduras as redes de saneamento, senon tamen no establecemento dun conxunto de condicións técnicas as actividades que son susceptibles de realizaren verteduras de augas a rede de saneamento de exclusiva titularidade municipal. Así, nas autorizacións de vertedura a dominio público hidráulico que soliciten comunidades autónomas e entidades locais, exíxese a achega de plans de saneamento e control de verteduras a colectores, con específica atención a progresiva redución de verteduras de substancias perigosas e o seu control.

A súa vez, a Lei 62/2003, do 30 de decembro, no seu artigo 129, incorpora ao dereito español a Directiva 2000/60/CE, cuxo prazo de transposición finalizaba o 22 de decembro de 2003.

No ámbito da nosa comunidade autónoma, o artigo 32 da **Lei 9/2010, do 4 de novembro, de augas de Galicia**, declara de "interese da Comunidade Autónoma de Galicia" o servizo de depuración de augas residuais e, **no seu artigo 27, resérvale á competencia municipal** o tratamento das augas residuais e a prestación do servizo de rede de sumidoiros, incluíndo o control das verteduras a esas redes no marco da normativa de aplicación. O desenvolvemento regulamentario desta norma ten lugar polo **Decreto 141/2012, do 21 de xuño, polo que se aproba o Regulamento marco do servizo público de saneamento e depuración de augas residuais de Galicia**, que complementa así a normativa estatal básica en materia de depuración de augas residuais urbanas.

Así, no marco das atribucións as entidades locais sinaladas, de acordo cos prazos que sinala a disposición transitoria primeira do regulamento marco (dous anos desde a súa entrada en vigor para adaptar as normativas locais, transcorrido o cal será de aplicación directa), e baseándose nas competencias reconecidas aos municipios en materia de rede de sumidoiros e tratamento de augas residuais na **Lei 7/1985, do 2 de abril, de bases do réxime local**, e na **Lei 5/1997, do 22 de xullo, de Administración local de Galicia**, elaborase esta **Ordenanza do servizo de saneamento e depuración do Concello de Barreiros**.

Regulanse nesta Ordenanza as normas que regulan a xestión e o uso da rede de saneamento de titularidade municipal, así como todas as competencias e actuacións que lle corresponden ao Servizo Municipal de Saneamento de Augas Residuais. Mais concretamente, esta Ordenanza regula as condicións para a autorización das verteduras as redes de saneamento públicas municipais, establecendo limitacións a vertedura, de maneira que non se lles causen efectos prexudiciais as infraestruturas que conforman a propia rede e a estación depuradora, non se produzan riscos para o persoal que explota e mantén o sistema de saneamento, se favoreza o mantemento da rede e non se alteren os procesos de depuración das augas residuais.

Esta Ordenanza consta de 34 artigos, unha disposición transitoria, unha derradeira e oito anexos. En xeral, a Ordenanza específica e da cumprimento ao regulamento marco autonómico, remitíndose a este en todo aquilo que se entendeu que non necesitaba dunha especial regulación, e regulando especialmente aquilo que se entendeu que responde as peculiaridades propias.

Así, destaca a obrigatoriedade da conexión a rede municipal para todos os usuarios que realicen verteduras cando se atopen a menos de 100 metros desta (o regulamento marco permite a fixación desta distancia, sinalando que, de non se establecer, se aplicaría subsidiariamente a de 50 metros), detallándose expresamente as excepcións que permiten o uso de sistemas autónomos (fosas sépticas ou similares) e sempre baixo supervisión municipal.

Clasifícanse os distintos tipos de usuarios en atención a actividade que xeran e en atención as augas residuais que producen, clasificación que interesa para os efectos de obter o correspondente permiso de vertedura e, en consecuencia, os límites cuantitativos e cualitativos que lles serán esixidos aos seus efluentes.

En canto a estes límites e prohibicións, estableceuse dous valores límite: **o valor medio diario máximo (VMDM) e o valor instantáneo máximo (VIM)**, de forma que a Ordenanza concreta e adapta os anexos do regulamento autonómico as peculiaridades da rede municipal e da súa instalación de tratamento, tomando como referencia, ademais, documentos elaborados noutras cidades similares, así como recomendacións técnicas de entidades como a FEMP, a AES ou o INSHT.

Destaca tamen o **ANEXO V**, que regula as características técnicas da acometida para a conexión dun usuario as redes de saneamento, obxecto de obtención de licenza previa, e que se elaborou partindo da experiencia municipal e do deseño das redes de saneamento existentes no noso concello.

En canto ao réxime sancionador, estableceuse un importe económico das sancións ata un máximo de 100.000 euros, de acordo coa potestade atribuída para o efecto as entidades locais no artigo 92.3 da Lei 9/2010, do 4 de novembro, de augas de Galicia.

Debe terse en conta que unha regulación homoxénea das verteduras debe ir acompañada dunha planificación e deseño de redes separativas de augas residuais e pluviais en todas as redes municipais de saneamento, de forma que se garanta o proceso biolóxico da EDAR, se limite axeitadamente o caudal que compre depurar minimizando as entradas de auga pluvial na instalación e se garantan uns óptimos custos de xestión da instalación. Así mesmo, tanto a situación presente como a futura sobre as necesidades da rede de saneamento de titularidade municipal demandadas pola realidade social e económica que os concellos implicados xeren, tivose en conta na redacción desta Ordenanza.

CAPÍTULO I

DISPOSICIÓNS XERAIS

Artigo 1.- Obxecto

Esta Ordenanza do servizo de saneamento e depuración de augas residuais do Concello de Barreiros ten por obxecto regular o servizo público municipal de saneamento de augas residuais, e fundamentalmente as condicións das verteduras das augas residuais e pluviais e os usos da rede de sumidoiros e colectores de exclusiva titularidade municipal.

Artigo 2.- Finalidades

Esta Ordenanza ditase para contribuir a acadar as seguintes finalidades:

a) Adecuar a calidade da auga dos efluentes da EDAR municipal ao medio receptor, de xeito que se cumpran os límites impostos a ela na súa autorización de vertedura, posibilitando ao mesmo tempo unha xestión eficiente desta e do resto das instalacións que conforman o Servizo Municipal de Saneamento, garantindo o seu correcto funcionamento.

b) Previr danos ou alteracions que poidan reducir ou anular a eficacia dos procesos de tratamento da estación depuradora (sobre todo dos procesos biolóxicos), tendo especial coidado na chegada de sobrecargas hidráulicas ou de masas de contaminantes, así como de tóxicos.

c) Garantir o bo funcionamento de todas as infraestruturas, obras e equipamentos que integran o Servizo Municipal de Saneamento.

d) Evitar poner en risco a saúde dos traballadores das redes de saneamento e da planta depuradora, e da poboación en xeral, pola aparición de condicións de perigosidade ou toxicidade, xeradas por gases volátiles, substancias alérxicas, substancias corrosivas atmosferas explosivas, organismos patóxenos, etc.

e) Posibilitar a reutilización das augas residuais.

f) Evitar emisións incontroladas de contaminantes a atmosfera.

g) Evitar que os lodos de depuración das augas residuais urbanas teñan concentracións de contaminantes que non permitan o seu aproveitamento ou valorización segundo as normas que lles sexan de aplicación.

Artigo 3.- Infraestruturas e instalacións do Servizo Municipal de Saneamento.

1. Para os efectos desta Ordenanza, enténdese por Servizo Municipal de Saneamento o conxunto de bens de dominio público municipal, interrelacionados, que forman parte da rede de saneamento, da depuradora de augas residuais e das infraestruturas de vertedura.

2. A rede de saneamento (cuxo fin é a recollida, transporte e regulación das augas residuais e pluviais, de ser o caso) está composta por sumidoiros, pozos de rexistro e arquetas, colectores, depósitos de regulación, depósitos-vertedoiro e bombeos, así como doutras infraestruturas complementarias. Os vertedoiros, conducións de desaugadoiro e os emisarios son infraestruturas de vertedura do propio sistema.

3. As acometidas ao sistema non forman parte do sistema público de saneamento.

Artigo 4.- Definicións

Para os efectos desta Ordenanza, enténdese por:

1) Acometida: conxunto de elementos que unen a rede de saneamento coa instalación do inmueble que se pretende sanear. Está composta por:

Arqueta de acometida: sita no límite da propiedade, serve de conexión entre as tubarías de saída de augas residuais ou pluviais da propiedade e o albanal de acometida.

Albanal: Tramo de tubaría que vai dende a arqueta de acometida, ou límite da propiedade ata a rede de saneamento.

2) Augas de escorredura pluvial: son as que recollen os embornais ou a rede de pluviais durante os fenómenos de choiva ou despois destes.

3) Augas de infiltración: son aquelas que proceden do subsolo e penetran na rede de sumidoiros a través das xuntas e tubaxes defectuosas, conexións e paredes de pozos de rexistro. Tamen teñen a súa orixe en incorporacións de mananciais, fontes, achique de sotos e entradas por vertedoiros.

4) Augas brancas: as augas que non foron sometidas a ningún proceso de transformación, de forma que a súa capacidade potencial de perturbación do medio natural non é significativa e que, polo tanto, non deben ser conducidas mediante os sistemas públicos de saneamento. As augas pluviais terán carácter de augas brancas ou de augas residuais urbanas, en función do seu percorrido de escorredura.

5) Augas residuais urbanas: as augas residuais domésticas ou a mestura destas coas augas residuais non domésticas e/ou con augas de escorredura pluvial e as de infiltración.

6) Augas residuais domésticas: as augas residuais procedentes dos usos particulares das vivendas, xeradas principalmente polo metabolismo humano e as actividades comerciais que teñan posibilidade de xerar verteduras diferentes as das vivendas, baseándose na súa propia actividade.

7) Augas residuais non domésticas: as augas residuais vertidas dende establecementos en que se efectúe calquera actividade industrial, agrícola, gandeira ou calquera outra que xere verteduras diferentes das domésticas. Enténdese por actividade industrial aquela que consiste na produción, transformación, manipulación, reparación e almacenaxe de materias primas e produtos manufacturados.

8) Autocontrol: seguimento e control dos contaminantes vertidos, e de calquera outro parámetro relacionado con eles, levado a cabo polo titular da actividade ou por unha entidade competente definida por el.

9) Colector: condución que leva ata o colector principal as augas dun conxunto de sumidoiros ou acometidas.

10) Colector interceptor: conduto que transporta as augas procedentes de varias subcuncas de saneamento ata a estación depuradora ou ata o punto final de vertedura.

11) Colector principal: condución que transporta ata o colector interceptor ou infraestrutura de control (por exemplo, un depósito regulador ou un depósito-vertedoiro) as augas procedentes dun conxunto de colectores dunha subcunca.

12) Contaminación: a introdución directa ou indirecta, como consecuencia da actividade humana de substancias ou calor na atmosfera, a auga ou o solo, que poden ser prexudiciais para a saúde humana ou para a calidade dos ecosistemas acuáticos, ou dos ecosistemas terrestres que dependen directamente de ecosistemas acuáticos, e que lles causen danos aos bens materiais ou deteriorenen ou dificulten o disfrute e outros usos lexítimos do medio.

13) Contaminantes das augas: calquera substancia que poida causar contaminación, en particular as substancias que se relacionan no anexo I-B desta Ordenanza.

14) Entidade xestora: Administración pública que, en cada caso, tena encomendada a xestión das instalacións que conforman o servizo público de saneamento, con independencia de que o servizo se preste de forma directa ou indirecta.

15) Estación depuradora de augas residuais (EDAR): unidade composta por instalacións, estruturas ou mecanismos que permitan unha depuración por métodos físicos, químicos ou biolóxicos da auga residual co fin de adecuar a auga residual aos obxectivos de vertedura.

16) Habitante equivalente: carga orgánica biodegradable cunha demanda bioquímica de oxixeno en cinco días (DBO-5) de 60 gramos de osixeno por día.

17) Mostra: toda porción de auga que represente o máis exactamente posible o fluxo obxecto de control.

18) Mostra simple: e aquela tomada nun tempo e lugar determinados para a súa análise individual.

19) Mostra composta: a obtida mediante a mestura e homoxeneización de varias mostras simples recollidas no mesmo punto en diferentes instantes de tempo. Existen dous tipos de mostra composta.

20) Mostra composta por tempo: a obtida mediante a mestura e homoxeneización de varias mostras simples de igual volume, tomadas a intervalos constantes durante o período de mostraxe.

21) Mostra composta por caudal: a obtida mediante a mestura e homoxeneización de varias mostras simples tomadas de tal xeito que o volume de cada mostra simple é proporcional ao caudal ou volume de auga durante o período de mostraxe.

22) Mostra integrada: a obtida mediante a mestura e homoxeneización de mostras simples recollidas en puntos diferentes e simultaneamente.

23) Planta de tratamento previo: conxunto de infraestruturas, mecanismos e instalacións privadas destinadas ao tratamento das augas residuais dunha ou varias actividades industriais ou comerciais para a súa adecuación as esixencias desta Ordenanza, posibilitando a súa admisión no sistema municipal de saneamento.

24) Rede de sumidoiros privada ou particular: conxunto de instalacións de propiedade privada que recollen as augas residuais e/ou pluviais procedentes dunha ou varias actividades ou domicilios e as verten a rede pública municipal de saneamento.

25) Sección de control: cámara ou arqueta, e posibles instalacións e equipamentos complementarios, polos que circulan as verteduras dun usuario e onde poderán ser medidas e sometidas a mostraxe para a súa correspondente vixilancia e seguimento, antes da súa incorporación a rede de saneamento.

26) Servizo Público Municipal de Saneamento: conxunto de bens de dominio público municipal constituído polas instalacións definidas no artigo 3.

27) Sistema de Xestión Medioambiental (SXMA): o definido polo Regulamento (CE) número 1221/2009, do 25 de novembro de 2009.

28) Sistemas unitarios de saneamento: aqueles que constan dunha soa canalización pola que en tempo seco circulan augas residuais urbanas e en tempo de choiva asume tamen a función de conducir e drenar as augas pluviais, provocándose unha mestura de ambos os dous tipos de augas.

29) Sistemas separativos de saneamento e pluviais: aqueles que dispoñen de dúas redes independentes; unha delas transporta as augas residuais de orixe doméstica, comercial, industrial e de infiltración ata a EDAR, denominada "rede de saneamento de augas residuais", e a outra conduce as augas pluviais ata o medio receptor, ou ata un tratamento previo a vertedura, denominada "rede de pluviais".

30) Tratamento previo á vertedura: operacións ou procesos unitarios de depuración, de calquera tipo que sexan utilizados para reducir ou neutralizar a concentración ou as cargas dun contaminante de forma previa a súa vertedura a rede pública municipal de saneamento.

31) Valor límite de vertedura ou valor límite de emisión: cantidade ou concentración dun contaminante ou grupo de substancias contaminantes, cuxo valor non debe ser superado pola vertedura dentro dun ou varios períodos determinados.

Nesta Ordenanza aplicanse os seguintes valores límite: valor medio diario máximo (VMDM) e valor instantáneo máximo (VIM).

32) Vertedura á rede de saneamento: acción ou efecto de verter líquidos, sólidos ou gases a unha rede.

Artigo 5.- Ámbito de aplicación

1. Inclúense no ámbito desta Ordenanza todas as verteduras de augas residuais, de calquera orixe, que se realicen a rede de saneamento de titularidade municipal a que se refire o artigo 3, ou as que no futuro sexan conectadas.

2. Non se inclúen nesta Ordenanza aqueles produtores de verteduras de augas residuais que contén coa oportuna autorización administrativa para levar a cabo as verteduras, directa ou indirectamente, no dominio público hidráulico ou no dominio marítimo-terrestre, sempre que a dita autorización estea actualizada e os seus titulares cumpran coas condicións impostas nela. Non obstante, o Concello poderá obrigar os mencionados produtores de verteduras a conectalas ao sistema municipal de saneamento e a cumprir os requisitos recollidos nesta Ordenanza sempre que resulten obrigados a iso segundo o disposto no artigo 9.

Artigo 6.- Explotación das instalacións do Servizo Municipal de Saneamento. Entidade xestora

1. O Concello, como titular e responsable público da prestación do servizo de saneamento, levará a cabo a explotación de todas ou algunhas das instalacións e infraestruturas que o componen, ben directamente, ben a través das distintas formas de xestión indirecta de servizos públicos, ben por si mesmo ou en unión doutras entidades locais.

2. Para os efectos desta Ordenanza, o Concello de Barreiros é a entidade xestora do Servizo Municipal de Saneamento, de acordo co sinalado no artigo 4, alínea j) do Decreto 141/2012, do 21 de xuno, polo que se aproba o Regulamento marco do Servizo Público de Saneamento e Depuración de Augas Residuais de Galicia.

Artigo 7.- Relativo ás normas de construción e urbanísticas

1. Sen prexuízo do establecido nesta Ordenanza, a construción de calquera elemento do saneamento, público ou privado, axustarase ao disposto na normativa urbanística e nas demais Ordenanzas municipais, así como no establecido no Código técnico da edificación (CTE) e nas condicións técnicas definidas polo Concello.

2. Con carácter xeral, as redes públicas municipais de saneamento poderán ser construídas por:

a) O Concello por iniciativa propia, de acordo coas disposicións legais vixentes con recursos propios.

b) O Concello por petición de particulares, como prolongación da rede existente, a cargo íntegro dos ditos particulares. Neste caso, o tramo pasa a ser municipal, automaticamente unha vez rematadas as obras e recepciónadas polo propio Concello.

c) O urbanizador, cando así sexa esixible en virtude da lexislación vixente en materia urbanística, con todos os dereitos inherentes. Deberá cumprir o CTE e demais normas vixentes para as instalacións en edificios e realizar os traballos baixo a supervisión de técnicos do Concello.

Para iso, e con carácter previo a redacción dun proxecto de urbanización, ou a execución de obras de rede de sumidoiros, deberáselle solicitar a entidade xestora a información necesaria sobre a normativa vixente ao respecto, redes e condicións existentes, sinalización dos puntos máis aconsellables para realizar a evacuación das augas residuais e pluviais, e calquera outro extremo que puidese resultar de interese para o efecto. En vías de nova construción, o urbanizador deberá construír todas as acometidas domiciliarias. Neste caso, deberánse incluír no proxecto de urbanización, detallando as súas características, que se deberán axustar a normativa técnica vixente.

d) Calquera outra Administración competente, ben por acordo, ou por existencia de convenios, ou por estar clasificada tal actuación como "de interese xeral". Nestes casos a entidade xestora solicitaralles as ditas administracións os criterios seguidos no seu deseno, co fin de analizar a súa coherencia e integración dentro da rede municipal de saneamento e emitir informe ao respecto.

e) Na elaboración de plans que desenvolvan as normas urbanísticas, que afecten as zonas onde se localicen actividades industriais, será preciso un estudo técnico sobre a posibilidade de contaminación por verteduras ou infiltración de augas residuais industriais. Corresponderalle a súa execución e elaboración ao promotor público ou privado da devandita iniciativa.

CAPÍTULO II

DEBERES DOS USUARIOS DA REDE DE SANEAMENTO MUNICIPAL

Artigo 8.- Usuarios suxeitos

1. Todas as edificacións, industrias ou explotacións, tanto públicas como privadas, susceptibles de xerar verteduras, con independencia do seu uso ou usos compartidos, estarán obrigadas a cumprir as disposicións e preceptos desta Ordenanza, tanto nas conexións actuais como nas previstas no futuro.

2. Segundo a orixe e as características das augas residuais que xeran, os usuarios da rede de saneamento clasifícanse do seguinte xeito:

a) **Usuarios domésticos:** aqueles que xeran augas residuais domésticas, entendendo por tales aquelas procedentes dos usos particulares das vivendas, xeradas principalmente polo metabolismo humano e as actividades domésticas. Aplicarase esta modalidade exclusivamente a locais destinados a vivenda, sempre que neles non se realice actividade industrial, comercial ou profesional de ningún tipo.

b) **Usuarios non domésticos:** aqueles que xeran augas residuais non domésticas, entendendo por tales aquelas vertidas dende establecementos nos que se efectue calquera actividade comercial, industrial, de servizos, agrícola ou gandeira. Estas augas residuais, polas súas características, poden presentar nalgún momento determinado unha composición físico-química, aínda que sexa accidentalmente, que supere os valores límite de emisión establecidos nesta Ordenanza.

A súa vez, os usuarios non domésticos poderanse clasificar en:

b. 1) **Usuarios comerciais:** Son aqueles que utilizan auga destinada as necesidades de locais comerciais, tales como oficinas, despachos, tendas, centros privados de ensino, centros deportivos, clubs sociais e recreativos, garaxes (sen ningún tipo de actividade de lavado, engraxamento ou outros), así como en todos aqueles usos relacionados con hostalaría, restauración, aloxamento e lecer, producindo verteduras tanto de augas residuais domésticas como asimilables a domésticas; a estes usuarios, a xuízo da entidade xestora, poderáselles esixir a instalación dun pretratamento e/ou control previamente a conexión a rede pública de saneamento.

b. 2) **Usuarios industriais:** os que xeran verteduras tras a utilización da auga como un elemento directo ou indirecto dun proceso de produción nunha actividade industrial. As características destas verteduras serán compatibles co seu transporte e depuración polas diferentes infraestruturas do sistema de saneamento.

b. 3) **Usuarios especiais:** entenderase por usuarios especiais calquera outro non definido en puntos anteriores, incluídos os de carácter temporal. En todo caso, teñen a condición de usos especiais as verteduras provisionais por obras, feiras ou outras actividades temporais na vía pública. As características destas verteduras serán compatibles co seu transporte e depuración polo sistema de saneamento.

Artigo 9.- Obriga de conexión á rede municipal de saneamento

1. A conexión a rede municipal de saneamento será obrigatoria para todos os usuarios (domésticos e non domésticos) que se atopen a menos de 50 metros desta. Non obstante, por razóns técnicas, o punto exacto de conexión ou entroncamento coa rede municipal de saneamento será determinado polos técnicos municipais aínda que se supere esa distancia.

2. Non entanto, a Entidade Xestora poderá dispensar da obrigatoriedade da conexión sinalada no punto anterior, cando se acredite polo usuario a inviabilidade da devandita conexión por razóns técnicas, económicas ou urbanísticas debidamente xustificadas.

3. No caso de que unha actividade xeradora de augas residuais non estea obrigada a conexión a rede municipal de saneamento, ou esta non sexa posible, deberá estar provista de sistemas autónomos de saneamento (fosas sépticas ou similares) que non supoñan un risco para o medio ambiente. Estes sistemas de depuración, que implicaran un vertido directo ou indirecto a dominio público, deberán estar autorizados polo Organismo de cunca ou a Administración hidráulica competente. Nestes casos, o Servizo Municipal correspondente deberá emitir, con carácter previo a licenza urbanística de que se trate, un informe relativo a idoneidade do dispositivo proxectado e conforme as mellores técnicas disponibles que aseguren a maior eficiencia ambiental do mesmo.

Corresponde ao usuario a limpeza periódica, conservación e mantemento de devanditos sistemas autónomos de depuración así como o envío a xestor autorizado dos residuos que se xeraron.

4. Os usuarios adoptarán as medidas ou previsións correspondentes para poder conectar as súas redes a municipal, sendo os gastos de acometida pola súa conta. A acometida a rede municipal de saneamento definida no artigo 4. 1) terá carácter privativo, incluído o punto de conexión ou entroncamento coa rede municipal, substanciarase a obtención da súa licenza conforme o disposto no artigo 12 e realizarase de acordo cos condicionantes técnicos do anexo VI. Correspondenlles aos usuarios as obrigas de limpeza, conservación e mantemento da dita acometida a excepción daqueles casos nos que se demostre que a deficiencia ou dano a reparar non é imputable ao mesmo.

5. Cando, como consecuencia dunha actuación pública ou privada autorizada, un usuario pase a dispor dunha rede do sistema público de saneamento municipal a menos de 50 metros, deberá conectarse obrigatoriedade a esa rede logo de requirimento municipal, e no prazo que este fixe. Clausurarase o sistema autónomo existente (fosa séptica ou dispositivo similar), o que deberá ser comprobado e certificado por técnicos dos servizos municipais. Se no prazo de tres meses dende a posta en servizo da nova acometida non se clausurara o sistema autónomo anterior o Concello procederá a executar os traballos necesarios de forma subsidiaria, correndo os gastos por conta do particular.

A conexión efectuarase de acordo co disposto nesta Ordenanza.

6. En solo urbano non se permite a utilizacion de sistemas autonomos de saneamento (fosas septicas ou similares). Todo usuario debera estar conectado a rede de saneamento municipal. Se non existise rede na zona, ou estivese a mais de 50 metros e a zona non estivese incluída en polígono, a súa execucion correspondelle ao Concello.

Mentres o Concello non execute ditas obras, permitirase previa a obtencion, cando corresponda, da correspondente autorizacion de vertido emitida polo Organismo de cunca ou pola Administracion hidráulica competente, a utilizacion de fosas septicas ou dispositivos similares, aos que se conectaran as augas provenientes dos aseos (inodoros, lavabos, bides e duchas), e tamen das augas grises provintes dos vertedoiros, lavavaixelas, lavadoras ou outros aparellos ou instalacións analoxas.

7. En solo urbanizable e rustico, no que habitualmente non existe saneamento municipal, autorizarase para as construcións provisionais en solo urbanizable e para as permanentes autorizautorizables en solo rustico o emprego de fosas septicas ou similares baixo as premisas sinaladas no punto anterior.

Artigo 10.- Deberes dos usuarios

O usuario tera os seguintes deberes:

a) Satisfacer puntualmente o importe do servizo de saneamento na contía, forma e prazos que determinen as correspondentes Ordenanzas fiscais municipais.

b) Aboar as cantidades que resulten da liquidacion que por erro, fraude ou avaria se lles poidan imputar.

c) Verter as augas residuais conforme ao previsto nesta Ordenanza e, de ser o caso, conforme ao previsto nos correspondentes permisos de vertedura.

d) Conectarse a rede municipal de saneamento cando esta se atope a menos de 50 metros do punto de vertedura, solicitando previamente a licenza de acometida e abonando a taxa que determine a correspondente Ordenanza fiscal.

e) Informar a entidade xestora acerca de fugas, avarias, perdas ou calquera outro incidente que, por interese propio ou xeral, afecte ou poida afectar as instalacións do Servizo Municipal de Saneamento. Entre estes incidentes inclúense as manipulacions de instalacións que poidan causar contaminación ou perigo para persoas ou bens públicos ou privados.

f) Comunicarlle a entidade xestora de xeito inmediato calquera modificación nos procesos que influa na calidade do efluente que se verte, así como a comunicacion de calquera circunstancia futura que implique unha variación das características cualitativas ou cuantitativas da vertedura para os efectos de proceder, de ser o caso, a revisión do correspondente permiso de vertedura.

g) Permitir e facilitar a libre entrada nas instalacións do persoal municipal debidamente acreditado, para inspeccionar ou reparar as instalacións, sempre e cando se detecten anomalías que poidan afectar ao normal funcionamento da rede municipal.

h) Respetar o recinto de calquera local, instalación ou mecanismo desta que afecte ou forme parte do sistema público de saneamento.

i) Cumprir as condicións e deberes que figuren no permiso de vertedura.

j) Comunicarlle a entidade xestora calquera modificación de domicilio ou titularidade da vivenda ou establecemento, modificación na instalación interior (en especial os puntos novos de vertedura que resulten significativos polo seu volume) ou calquera outra que implique un cambio significativo no desenvolvemento xeral do servizo que presta a entidade xestora.

k) Cando exista unha alteración no volume do caudal de vertedura que implique un aumento de máis do 10%, deberaselle notificar ao Concello para que se poida estudar a incidencia dese aumento no sistema de saneamento.

l) Prever as instalacións de bombeo e elevación naqueles casos en que sexa necesario.

CAPÍTULO III

EMPREGO DA REDE DE SANEAMENTO

Artigo 11.- Condicións previas á conexión

1. Para a conexión dun usuario ao sistema municipal de saneamento, compre que a rede se atope en servizo, e que a vertedura do usuario cumpra as condicións establecidas nesta Ordenanza.

2. Para poder efectuar a conexión, todos os edificios deberán contar cunha rede separativa interior de augas pluviais e fecais. No caso de que non exista rede separativa na vía pública nesa zona, a conexión entre ambas as dúas efectuarase sempre fora dos límites da parcela e entre esta e a rede de saneamento.

Artigo 12.- Requisitos e características básicas da acometida ao sistema

1. Para a conexión dun usuario ao sistema municipal de saneamento será necesaria a previa obtención de licenza municipal de acometida ao sistema e, no seu caso, tamen o previo permiso de vertedura para os usuarios que sinala o artigo 14, así como o abono das taxas fiscais correspondentes.

Para iso, deberáse presentar no Rexistro Municipal a solicitude no modelo homologado correspondente acompañado da seguinte documentación:

a) Nome do solicitante ou razón social, enderezo e teléfono, nome do futuro usuario e enderezo da vertedura.

b) Licenza de obra ou licenza de primeira ocupación. No caso de inmobles que non contén con ningunha destas dúas licenzas deberán acreditar a súa situación de fora de ordenación con acreditación da súa antigüidade e que non ten aberto ningún expediente de reposición da legalidade urbanística.

En caso de novas construcións presentarase ademais:

a) Plano de situación a escala 1:2000.

b) Plano da rede de desaugadoiro do interior do edificio en planta e alzado, a escalas respectivas de 1:100 e 1:50, detallando expresamente os sifons xerais e a ventilación aérea, e distinguindo a rede de augas pluviais e a rede de augas residuais.

c) Descrición das disposicións e dimensións idóneas para un correcto desaugadoiro, especificando o material, diámetro e pendente lonxitudinal.

1. Os requisitos e características básicas destas acometidas son os que se establecen no anexo VI "Características técnicas da acometida" desta Ordenanza, que será de preceptiva aplicación para obter a correspondente licenza.

2. Os establecementos deberán unificar, sempre que sexa posible, no interior do edificio ou parcela todas as verteduras xeradas polos procesos produtivos e, ao mesmo tempo, respectaran as redes separativas de maneira que non poderán verter as augas pluviais na rede interna de augas residuais e viceversa.

3. O Concello concederá licenza de acometida a rede municipal de saneamento tras a supervisión da correcta conexión.

4. En caso de concesión de licenza municipal de demolición a un inmovible que dispuxera de acometida a rede municipal de saneamento, deberáse esixir nesta o selado da acometida existente co fin de poder recuperala nun futuro para o novo uso do inmovible ou, de ser o caso, para evitar posibles inundacións ou filtracións no soar.

Este selado deberáselle comunicar a entidade xestora.

5. Para os usuarios obrigados a obter o permiso de vertedura, a súa obtención será requisito previo e preceptivo para conseguir a licenza posterior de acometida.

Artigo 13.- Prohibicións e limitacións

1. Queda totalmente prohibido:

a) A vertedura a rede de saneamento das substancias relacionadas no Anexo I-A, "Verteduras prohibidas", desta Ordenanza.

b) A dilución para conseguir os niveis de emisión que permitan a súa vertedura a rede de saneamento excepto nos supostos de urxencia ou de perigo inminente e, en todo caso, previa comunicación ao Concello de acordo co disposto no artigo 23.

c) A vertedura de augas residuais ou calquera outro tipo de residuos dende camións cisterna ou doutro tipo, a rede de saneamento.

d) A vertedura as redes de saneamento de augas brancas cando poida adoptarse unha solución técnica alternativa por existir no contorno da actividade unha rede separativa ou unha canle pública.

e) A vertedura procedente de actividades agropecuarias e, en concreto cortes e granxas, a rede de saneamento municipal. As augas residuais xeradas nesas actividades deberán ser xestionadas de acordo coa normativa de aplicación.

2. Limitacións a vertedura:

a) As verteduras industriais que conteñan substancias das relacionadas no Anexo II desta Ordenanza deberán respectar as limitacións ali establecidas, sen que poida admitirse a dilución para conseguir os devanditos límites.

b) Como norma xeral, o caudal de augas residuais se verterá de forma distribuída ao longo do día. En todo caso, como norma xeral, os caudais máximos instantáneos non poderán superar o triplo do caudal medio diario autorizado. Esta limitación poderá ser variada, en función das posibilidades da rede e das estratexias de explotación pola Entidade Xestora, previa comunicación ao usuario.

c) A Entidade Xestora podera obrigar a reducir ou regular o caudal da vertedura das industrias cando as condicións da rede ou as instalacións de depuración así o aconsellen, ou en casos en que o mesmo constitua un grave risco para o sistema no seu conxunto, incluído o medio receptor. Podera ser requirida a imposición dun rexime de vertedura determinado, nun horario e cun caudal específico debendo o usuario implantar os medios de almacenamento temporal, regulación e bombeo precisos. Esta obrigación podera ter carácter temporal, estacional ou permanente.

d) As actividades con verteduras que incorporen substancias perigosas deberan cumprir os valores límite de emisión establecidos na normativa vixente en materia de augas.

Artigo 14.- Condicións para a utilización da rede municipal de saneamento

1.- Quedan obrigados a obter o permiso de vertedura ao sistema público de saneamento os seguintes usuarios:

a) Os usuarios non domésticos cuxa actividade estea comprendida nas correspondentes epígrafes da vixente CNAE-2009, aprobada polo Real decreto 475/2007, equivalentes as epígrafes C, D, E e F do CNAE-93, segundo os cadros de equivalencias entre a CNAE-93 e a CNAE-2009 elaborados polo Instituto Nacional de Estatística, así como aqueles outros usuarios non domésticos cuxa vertedura sexa superior a 2.000 metros cúbicos anuais.

b) Os usuarios cun volume de vertedura inferior a 2.000 metros cúbicos anuais pero que orixinen contaminación especial nos termos do artigo 47.1.c) da Lei 9/2010, de augas de Galicia.

c) Tódalas actividades que incorporen auga en proceso e/ou estean obrigadas pola Lei 21/2013, do 9 de decembro, de avaliación ambiental.

d) Os usuarios que utilicen augas cuxa procedencia non sexa de rede de abastecemento municipal.

e) Os concellos cuia rede de saneamento municipal verta a de propiedade deste concello.

3. O resto dos usuarios cuxa actividade xere augas residuais domésticas quedan suxeitos as regulamentos que dite a entidade xestora e, en todo caso, as prohibicións establecidas no anexo I desta Ordenanza.

4. A entidade xestora poderalle esixir ao petionario a caracterización da vertedura por un laboratorio acreditado para determinar o tipo de usuario de que se trata.

5. O permiso de vertedura outorgaráselle a cada usuario en función das características específicas do seu sector de actividade, da súa compatibilidade cos tratamentos da EDAR, da perigosidade do seu efluente e dos caudais de vertedura xerados, o que pode supor un aumento ou unha diminución dos valores límite dos parámetros do anexo II; así:

a) A calquera actividade ou instalación poderánselle fixar valores límite diferentes dos establecidos con carácter xeral no anexo II para aquelas verteduras de augas cuxas circunstancias particulares debidamente xustificadas así o aconsellasen.

b) En casos particulares, poderánselle impor limitacións máis estritas en aplicación da normativa vixente en materia de avaliación de impacto ambiental, polo seu contido en substancias perigosas incluídas no anexo I-C, "Verteduras con substancias perigosas", ou no anexo II (os parámetros coa nota 12: Parámetros contaminantes dificilmente tratables na EDAR ou con impacto significativo sobre os obxectivos de calidade do medio receptor e os potenciais usos das augas depuradas).

6. As augas residuais procedentes de usuarios non domésticos cuxas augas presenten graxas, aceites ou outro produto destas características deberan dispor do correspondente separador de graxas construído na forma axeitada para adecuar as verteduras aos límites considerados nesta Ordenanza.

7. No caso de verteduras procedentes de colectores ou redes de saneamento doutros termos municipais, ou pertencentes a outras administracións ou organismos dependentes destas, será titular e responsable da vertedura o titular da rede da que proven xusto antes do punto de vertedura. Estas verteduras terán consideración de augas residuais de carácter supramunicipal.

Artigo 15.- Permiso de vertedura

1. Entenderase por permiso de vertedura municipal aquel que ten por finalidade comprobar que a evacuación das augas residuais por medio da rede de saneamento municipal, ou a vertedura directa na estación depuradora, acomódase as normas establecidas, e que a composición e características das augas residuais mantense dentro dos límites establecidos.

2. No caso de que a evacuación das augas residuais sexa ao dominio público hidráulico ou ao dominio público marítimo-terrestre, a autorización da vertedura corresponderá ao Organismo de cuca ou a Administración hidráulica competente.

3. O permiso da vertedura a rede de saneamento municipal outorgarao o Concello aos usuarios indicados no artigo 14.

4. O outorgamento do devandito permiso faculta aos mencionados usuarios para realizar verteduras de augas residuais a rede de saneamento nas condicións que nel se establezan.

5. O permiso de vertedura estara condicionado ao cumprimento do establecido nesta Ordenanza, e tera, con caracter xeral, excepto por razons xustificadas debidamente motivadas, unha validez maxima de 8 anos, renovable por identicos periodos, por consentimento expreso da Entidade Xestora e por escrito, sen prexuízo da obrigada revision antes dese prazo nos casos previstos no artigo 19. Nos supostos de actividades comprendidas no ambito de aplicacion da Lei 16/2002, de 1 de xullo, de prevencion e control integrados da contaminación (IPPC), a vixencia do permiso someterase ao prazo da autorizacion ambiental integrada.

6. Non se permitira ningunha connexion a rede de saneamento municipal en tanto non se teñan efectuadas as obras ou instalacions especificamente determinadas, asi como as modificacións ou acondicionamentos técnicos que, a vista dos datos aportados na solicitude do permiso de vertedura, estableza o Concello. No caso de execucion de novos colectores en viais xa existentes as acometidas poderan executarse simultaneamente coa obra principal sempre e cando os particulares interesados cumpran co estipulado na presente ordenanza. A posta en servizo de ditas acometidas vira determinada polo Concello en funcion da operatividade do sistema.

7. En todo caso, o permiso de vertido non se podera entender outorgado por silencio administrativo.

8. Os permisos de vertedura emitiranse con caracter intransferible.

9. O prazo maximo para dictar resolucion sera de 6 meses dende que se reciba a solicitude de permiso.

Transcorrido devandito prazo sen que se dictara resolucion, a solicitude de permiso de vertedura entenderase denegada

Artigo 16.- Solicitude do permiso de vertedura

1. Antes de efectuar ningunha vertedura de augas residuais ao sistema, os titulares das actividades indicadas no artigo 14.2 deben solicitar do Concello o correspondente permiso de vertedura e, para estes efectos, achegaran a documentacion que se indica no anexo III desta Ordenanza.

2. Naqueles casos en que sexa necesario tratamento previo a connexion coa rede de saneamento segundo o disposto no artigo 21, sera necesaria a elaboracion dun proxecto redactado por un tecnico competente que, en todo caso, certifique que a actividade cumpre coas condicións de funcionamento e impacto ambiental que fosen establecidas; en especial:

a) Que as estimacions efectuadas dos parametros de vertedura a rede son validas.

b) Que as instalacions de tratamento e depuracion estan realizadas e son axeitadas.

Ademais, no caso de que se efectue unha caracterizacion, esta debera ser realizada por un organismo de control autorizado ou unha entidade colaboradora da Administracion hidraulica, segundo a Orde MAM 985/2006, do 23 de marzo, que elaborara un informe que inclua as medicions, inspeccions e analises realizadas.

Artigo 17.- Procedemento para a obtención do permiso de vertedura

1. O procedemento para obter o permiso de vertedura, no caso de actividades comprendidas no ambito de aplicacion da Lei 16/2002, do 1 de xullo, de prevencion e control integrados da contaminación (IPPC), ou, de ser o caso, na normativa de execucion que aprobe a Comunidade Autonoma de Galicia, sera o establecido nas mencionadas normas.

2. Noutro caso, seran de aplicacion as normas do procedemento administrativo comun.

3. En ningun caso e posible a obtencion do permiso de vertedura por silencio administrativo, que será desestimatorio.

4. De acordo cos datos achegados polo solicitante, o Concello resolvera no sentido de:

a) Prohibir totalmente a vertedura cando as características que presente non poidan ser corrixidas polo oportuno tratamento previo. Neste caso, o interesado debera solicitar a correspondente dispensa de vertedura a rede de sumidoiros publica, xuntando a sua solicitude o estudo demostrativo da imposibilidade da vertedura a rede de colectores de titularidade municipal. A entidade xestora obrigara ao solicitante a proceder a desconexion da sua rede privada de saneamento da rede publica no caso de que xa estivese realizada a acometida.

b) Autorizar a vertedura de forma condicionada.

c) Autorizar a vertedura sen mais limitacions que as contidas nesta Ordenanza.

5. En todo caso, a denegacion do permiso sera motivada e indicara necesariamente as razons que a determinen, cuxa correccion producira o seu outorgamento.

6. En caso de solicitude de novas acometidas, a obtencion previa do permiso de vertedura presentarase xunto a solicitude de acometida a rede de saneamento municipal.

Artigo 18.- Contido do permiso de vertedura

O permiso de vertedura que outorgue o Concello incluirea, como minimo, os seguintes puntos:

- a) Datos de identificación do titular da actividade e do inmovible, planta, instalación ou local onde se xera a vertedura.
- b) Cualificación do usuario e tipoloxía das augas residuais.
- c) Identificación e localización do punto de vertedura. A situación (coordenadas UTM) do punto de conexión coa rede de saneamento municipal.
- d) Orixe e características dos efluentes de augas residuais autorizados.
- e) Os valores límite de emisión, ou valores límite de vertedura, das características cualitativas da vertedura, tanto en valor medio diario máximo como en valor instantáneo máximo.
- f) Os límites cuantitativos da vertedura, indicando o caudal medio e o caudal máximo instantáneo en metros cúbicos por hora, día e ano. No caso do caudal máximo, ademais indicárase a súa frecuencia e duración.
- g) Horario de vertedura.
- h) Características da sección de control que deberá instalar o titular da vertedura segundo o disposto no anexo V, punto 9, alínea e), que deberá estar operativa en menos de 6 meses dende a concesión do permiso de vertedura. Seránlle especificados os equipamentos para a medida de caudal e para a toma de mostras, así como posibles equipamentos para a medida en continuo de determinados parámetros de contaminación.
Especificáranse tamen os equipamentos de rexistro dos valores medidos e o intervalo de rexistro. Estes equipamentos deberán permitir, polo menos, a medida e rexistro do caudal instantáneo e do caudal totalizado nun período determinado de tempo e sen posibilidade de posta a cero. Ademais, no caso de que o caudal se obteña a partir dos calados medidos nunha sección de control calibrada, o usuario gardará os rexistros das ditas medidas de calado. Como consecuencia dos procesos de inspección, a entidade xestora poderá solicitar a modificación das características da sección de control.
- i) Prazo para adaptarse aos límites de vertedura especificados no propio permiso.
- j) O programa de control da vertedura. O titular da vertedura deberá realizar un programa de autocontrol nos supostos de verteduras que comporten un risco elevado de impacto sobre o sistema de saneamento, de acordo co disposto no artigo 27. A Entidade Xestora definirá en cada caso particular as verteduras que supoñan un risco elevado, en función do caudal de vertedura, dos contaminantes, ou das cargas contaminantes.
- k) O formato e contido dos informes do autocontrol que o titular do permiso de vertedura lle deberá remitir a entidade xestora, especificando a súa periodicidade.
- l) Prazo de validez do permiso de vertedura.
- m) As actuacións e medidas que, en caso de emerxencia, deban ser postas en práctica polo titular do permiso de vertedura e o protocolo de contacto directo coa entidade xestora para a comunicación de verteduras accidentais e de emerxencia.
- n) No seu caso, excepcións temporais dos requirimentos do Anexo II, "Nota 13: Parámetros tratables na EDAR ou de impacto pouco significativo sobre os obxectivos de calidade do medio receptor", sempre que se aprobe un programa que garanta o seu cumprimento no prazo que fixe a Entidade Xestora. Finalizado o prazo fixado o Concello realizará unha inspección para verificar o fin da situación de excepción
- o) En razón dos riscos da actividade, poderanse requirir para a obtención do permiso de vertedura seguros, avais ou fianzas que cubran os posibles danos derivados dos ditos riscos.
- p) Calquera outra condición que a entidade xestora considere oportuna en razón das características específicas do caso.

Artigo 19.- Revisión do permiso de vertedura

1. Sen prexuízo do disposto na Lei 16/2002 de IPPC, o permiso de vertedura ao sistema deberá revisarse cando se produza algún cambio significativo na composición ou no volume da vertedura cando se alteren sustancialmente as circunstancias do momento da súa concesión, ou cando sobrevenan outras que xustificarian a súa denegación ou a súa aprobación en termos diferentes.

2. En todo caso, procederase a revisión do permiso de vertedura:

- a) Cando a carga contaminante vertida por unha actividade resulte significativa, en relación coa carga total tratada polo sistema de depuración, e poida dificultar a súa depuración nas condicións idóneas.
- b) Cando o efecto aditivo ou sinérxico das augas residuais de diferentes verteduras poida dificultar o tratamento do sistema nas condicións idóneas.
- c) Cando finalice o período de vixencia de 8 anos ou o expresamente establecido conforme ao sinalado no artigo 15.5. por razóns xustificadas debidamente motivadas.
- d) Cando se produza a aprobación da nova normativa básica ou sectorial ou modificacións da existente, que afecte ao estipulado nesta ordenanza.

3. O Concello podera modificar as condicións do permiso de vertedura cando as circunstancias que motivaron a seu otorgamento fosen alteradas ou sobreviran outras que, de existir con anterioridade, terían xustificada a súa denegación ou o otorgamento en termos distintos podendo ser o caso de decretar a suspensión temporal ata que ditas circunstancias sexan superadas. Neste suposto, o usuario será informado, con suficiente antelación, das posibles modificacións e dispondrá do tempo axeitado para adaptarse ao seu cumprimento, de acordo co previsto no seguinte punto.

4. O usuario será informado con suficiente antelación das posibles modificacións e terá dereito a formular as alegacións que considere oportunas, fixándoselle un prazo de adaptación que non excedera dun ano, a contar dende a aprobación da revisión.

5. Se o titular do permiso non realiza as modificacións no prazo concedido, poderase declarar a caducidade do permiso, sen prexuízo da imposición das sancións oportunas.

6. En ningún caso a revisión do permiso de vertedura comporta para o seu titular dereito a indemnización algunha.

Artigo 20.- Revogación do permiso de vertedura

O permiso de vertedura, previa audiencia do seu titular, podera ser revogado nos seguintes supostos:

- a) Por petición do titular do contrato, ao cesar a vertedura e, polo tanto, o requirimento do servizo.
- b) Por incumprimento, por parte do titular do permiso, das obrigas que deste derivan, ou dos requirimentos efectuados para o seu cumprimento.
- c) Cando o titular do servizo perda o seu dominio de uso sobre o inmovible obxecto do contrato.
- d) Por revogación, caducidade ou anulación da autorización ou licenza que permitía o desenvolvemento da actividade que causa a vertedura.
- e) Por cambio de uso das instalacións para as que se otorgou o permiso de vertedura.
- f) Por incumprimento por parte do usuario dos requirimentos efectuados pola entidade xestora respecto ao tratamento previo das verteduras ou de reparación das instalacións para adecuar a vertedura as condicións establecidas no correspondente permiso de vertedura.
- g) Como consecuencia dunha sanción que leve implícita a perda do permiso.
- h) A non aceptación ou incumprimento das modificacións do permiso de vertedura impostas como consecuencia dunha revisión.
- i) Cando o usuario permita o uso das súas instalacións de vertedura a terceiros.
- j) Cando se cese nas verteduras por un tempo superior a un ano.

Artigo 21.- Tratamento previo á conexión

1. As augas residuais que non cumpran as limitacións que, para a súa vertedura na rede municipal de saneamento, se establecen nesta Ordenanza deberán ser obxecto do correspondente tratamento previo polo usuario.

2. As instalacións necesarias para realizar o dito tratamento previo destas augas residuais formarán parte do sistema de saneamento privado, e definiranse suficientemente na solicitude do permiso de vertedura, tal como se cita no anexo III, a que se xuntará o proxecto correspondente e os estudos e cálculos xustificativos da súa eficacia, segundo o sinalado no artigo 16.2.

3. Cando, excepcionalmente, varios usuarios se unan para efectuar conxuntamente un tratamento previo das súas augas residuais, deberán obter un permiso de vertedura para o efluente final conxunto, con declaración de todos os usuarios que o componan. A responsabilidade do cumprimento das condicións establecidas no permiso de vertedura será da comunidade de usuarios e solidariamente de cada un deles. Neste caso, cada un dos usuarios deberá instalar antes da confluencia das verteduras, seccións de control individuais para o control e medición independente dos efluentes.

4. En calquera caso, o permiso de vertedura quedará condicionado a eficacia do tratamento previo, de tal xeito que, se este non producise os resultados previstos, quedará sen efecto o dito permiso e prohibida a vertedura desas augas residuais a rede de saneamento municipal.

Artigo 22.- Dispensa do permiso de vertedura

1. Se non fose posible que as augas residuais que compre verter se manteñan dentro dos límites fixados nesta Ordenanza, nin sequera mediante tratamentos previos, o interesado deberá desistir na actividade que as produce ou adoptar as previsións necesarias, mediante a realización das obras ou instalacións precisas, para que as augas residuais non admisibles na rede de saneamento ou planta depuradora se almacenen e evacúen mediante outros medios a outro tipo de planta especial ou depósito de seguridade que garantan un idóneo destino final axustado a normativa vixente

2. Para estes efectos, o interesado debera solicitar a correspondente dispensa de vertedura a rede de saneamento, xuntando a súa solicitude un estudo demostrativo da imposibilidade de adecuar esa vertedura a Ordenanza. Coa periodicidade que se determine ao dispensarlle a vertedura a rede publica municipal de saneamento, o interesado debera xustificar a súa situacion en relacion coa eliminacion da vertedura.

Artigo 23.- Situacións de emerxencia

1. Se durante o funcionamento dunha actividade se producise unha vertedura accidental, ou un fallo nas instalacións de tratamento previo que provoque un incumprimento dos límites de emisión do permiso de vertedura, o titular da actividade debera tomar as medidas axeitadas para minimizar o dano e comunicarlle o suceso a entidade xestora inmediatamente e de xeito que faga fe. Na súa comunicación indicaranse, polo menos: substancias descargadas, volume aproximado descargado, horario en que se produciu a descarga e concentracións aproximadas das substancias vertidas.

2. Nas 48 horas seguintes ao suceso, o titular do permiso de vertedura presentarlle a entidade xestora un informe detallado do acontecido, as medidas adoptadas para controlalo e as posibles accións para evitar a súa repetición.

3. As actividades con risco potencial de produciren verteduras accidentais ou de emerxencia, deberán ter establecidos protocolos de emerxencia para minimizar os danos que se poidan producir nas instalacións de saneamento e depuración, así como no medio receptor. Estes plans de emerxencia esixiranse no propio permiso de vertedura e deberán presentarse coa solicitude.

4. Se por motivos de mantemento fose necesario incumplir puntualmente os parámetros do permiso de vertedura, o titular da actividade deberalle solicitar previamente autorización a entidade xestora para que tome as medidas axeitadas e así evitar afectar as instalacións municipais de saneamento e depuración.

5. Se, como consecuencia das verteduras ou descargas accidentais, do fallo no funcionamento das instalacións de tratamento previo, ou da persistencia de verteduras non toleradas ou prohibidas producense danos sobre a rede municipal de saneamento, procederase a súa valoración pola Entidade Xestora conforme ao establecido no artigo 34 da presente Ordenanza. Esta valoración será comunicada por escrito ao titular da vertedura causante dos danos nun prazo non superior a trinta días naturais dende que comezaron a producirse.

6. Os custos das operacións a que dean lugar os accidentes que ocasionen situacións de emerxencia ou de perigo, así como os de limpeza, remoción, reparación ou modificación do sistema de saneamento e depuración a que dean lugar as descargas accidentais ou debido a persistencia das verteduras toleradas ou prohibidas, deberanlle ser aboados a entidade xestora polo usuario causante do dano.

7. Sen prexuízo do establecido nas epígrafes anteriores, o Concello deberalle comunicar a Administración competente e, de ser o caso, aos tribunais de xustiza os feitos e as súas circunstancias cando das actuacións realizadas por aquela se puxese de manifesto a existencia de negligencia ou intencionalidade por parte do titular da vertedura ou do persoal dependente del, exercendo as accións pertinentes para determinar en cada caso a responsabilidade en que puidesen incurrir e o correspondente resarcimento dos danos e perdas producidos como consecuencia do incumprimento desta Ordenanza.

Artigo 24.- Censo de verteduras á rede municipal de saneamento

1. O Concello levará un censo informatizado de verteduras ao sistema no que inscribiran as verteduras sometidas a permiso, e no que constaran, como mínimo, os seguintes extremos:

- a) Nome, enderezo, CNAE e NIF do titular do permiso.
- b) Datos básicos do caudal de auga de abastecemento, e/ou autoabastecemento, e da vertedura.
- c) Condicións básicas do permiso, incluíndo a localización con coordenadas UTM e o acceso ao punto de vertedura.
- d) Situación administrativa do permiso.
- e) Datos relativos a contaminación e características da vertedura conectada.
- f) Informe analítico do vertido, renovado con periodicidade anual

2. O censo de verteduras estará ao dispor da Administración hidráulica de Galicia e da Administración hidráulica do Estado. Así mesmo, todos aqueles datos do censo que non provoquen a vulneración da Lei de Protección de Datos serán públicos e poderán ser consultados a través da web municipal.

3. Tomando como base o mencionado censo, así como os resultados das comprobacións efectuadas na rede, o Concello de Barreiros cuantificará periodicamente as diversas clases de verteduras, co fin de actualizar as limitacións das descargas e os seguintes permisos de vertedura, así como dispor as actuacións preventivas, reparadoras e/ou correctoras que sexan necesarias.

4. O Concello debera informar periodicamente sobre o seu censo de verteduras ao xestor ou responsable do sistema de depuración correspondente, no caso de que se trate de distintas entidades xestoras para as instalacións de saneamento e as de depuración.

5. Cando unha mesma entidade xestora teña ao seu cargo a xestión do saneamento en baixa e o servizo de depuración de augas residuais, deberá incluír no censo, as verteduras non canalizadas as que se refire o artigo seguinte.

Artigo 25.- Verteduras non canalizadas

1. Queda totalmente prohibido, salvo expresa autorización da entidade xestora, a vertedura das augas residuais, ou de calquera outro tipo de residuo, mediante sistemas non canalizados (camións cisterna, ou doutro tipo) a rede municipal de saneamento. Nos casos de vaciado de fosas sépticas o titular deberá comunicar esta actividade a entidade xestora indicando o punto e hora da vertedura para o seu control.

2. As verteduras a EDAR provenientes de sistemas non canalizados deberán ser autorizadas pola entidade explotadora desta, de acordo coas regulamentacións técnicas que adopten e, en todo caso, tendo en conta o sinalado no artigo 18 do Regulamento marco establecido polo Decreto 141/2012, do 21 de xuno, e sen prexuízo dos permisos e autorizacións esixibles segundo a normativa de residuos. En todo caso, estas verteduras só poderán proceder de actividades domésticas ou asimilables a domésticas.

CAPÍTULO IV

INSPECCIÓN E CONTROL

Artigo 26.- Inspección e control por parte da entidade xestora

1. Todas as cuestións relativas a inspección e control derivadas do cumprimento do previsto nesta Ordenanza se remiten a regulación contida no Decreto 141/2012, do 21 de xuno, polo que se aproba o Regulamento marco do servizo público de saneamento e depuración de augas residuais de Galicia.

2. No relativo a toma de mostras, ademais do preceptuado no Regulamento marco citado, terase en conta que para o control do cumprimento do límite "valor medio diario máximo" do anexo II se utilizarán mostras compostas. Para o control do límite "valor instantáneo máximo" do mesmo anexo II empregaranse mostras simples.

3. O Concello ou, no seu caso a proposta da Entidade Xestora da EDAR, deseñará un plan de inspección a fin de detectar e corrixir as orixes de certos efluentes cuxa composición ocasione ou poida haber o risco certo de que ocasionen, problemas de funcionamento operativo no seo da propia EDAR, ou que comprometan o cumprimento dos límites impostos pola Administración hidráulica na propia autorización de vertido a dominio público.

Artigo 27.- Autocontrol das verteduras

1. Nos casos en que, de conformidade co artigo 18, k), o permiso de vertedura así o esixa, o seu titular tomara as mostras e procedera a realizar as análises que se especifiquen no propio permiso para verificar que non se superan as limitacións establecidas.

2. Os resultados das análises deberán conservarse polo menos durante tres anos.

3. O titular do permiso de vertedura terá un plan de autocontrol, que estará a disposición da entidade xestora e dos inspectores, no que constarán: a periodicidade dos autocontrois, o lugar en que se tomaron as mostras, a data en que se realizou a toma e as determinacións analíticas, así como calquera outro dato que se considere procedente solicitar.

4. A entidade xestora poderá requirir ao usuario para que presente periodicamente un informe sobre o efluente vertido se así foi establecido no permiso de vertedura.

5. A obriga de controlar os parámetros característicos das verteduras dos usuarios non domésticos efectuarase tendo en conta o establecido na seguinte taboa:

| Tipo de vertedura (segundo anexo IX da Ordenanza) | | Caudal de Vertedura (m ³ /ano) | Periodicidade de control |
|--|---------------|--|--------------------------|
| Clase | Grupo | | |
| 1 | 3, 4, 6 | > 2.000 | Trimestral |
| 1 | 3, 4, 6 | < 2.000 | Semestral |
| 1 | 0, 1, 2, 5, 7 | > 2.000 | Trimestral |
| 1 | 0, 1, 2, 5, 7 | < 2.000 | Anual |
| 2 | 9, 12, 14 | > 2.000 | Trimestral |
| 2 | 9, 12, 14 | < 2.000 | Semestral-- |
| 2 | 8, 10, 11, 13 | > 2.000 | Trimestral |

| | | | |
|---|---------------|---------|------------|
| 2 | 8, 10, 11, 13 | < 2.000 | Anual |
| 3 | 15, 16, 17 | > 2.000 | Trimestral |
| 3 | 15, 16, 17 | < 2.000 | Semestral |

6. A entidade xestora podera modificar a periodicidade de control se así o estima conveniente polas características singulares da vertedura.

7. No anexo IV inclúese o detalle da clasificación dos diferentes sectores industriais por clase e grupo, tal como figura nas notas (***) do anexo IV do Real 849/1986, do 11 de abril, polo que se aproba o Regulamento de dominio público hidráulico.

8. Para os efectos de que os usuarios non domésticos poidan levar a cabo estes controis cando o indique o seu permiso de vertedura, ou cando llelo solicite a entidade xestora, deberán dispor dun equipamento de medida de caudal e dun equipamento de toma de mostras automático, situados na sección de control, que permita obter unha mostra representativa da vertedura. A dita mostraxe realizara como mínimo unha toma de mostras durante un período de tempo representativo das actividades da empresa, que tena tamen en conta actividades especiais ou singulares, equivalente a unha xornada laboral completa.

9. Nos casos en que así se estableza, debido a variabilidade da carga contaminante vertida ao longo do ciclo produtivo, o valor medio máximo diario establecido no anexo II estará referido a mostra composta tomada en varios momentos do ciclo, debendo ser as partes alicuotas empregadas proporcionais aos caudais instantáneos de vertedura.

10. A análise das mostras deberá ser realizada mediante metodoloxía oficial nun laboratorio externo acreditado, segundo os requisitos establecidos nas normas da serie UNE-EN ISO/IEC 17025, ou a que no futuro a substitúa, que sexa de aplicación en función do seu ámbito de actuación e/ou rexistrado pola Administración.

11. En caso de que non exista medición de caudal vertido, tomarase como dato do caudal o valor da auga consumida. No caso de existiren diferencias significativas, o titular da vertedura deberá instalar un equipamento de medida homologado para a medida do efluente.

12. A entidade xestora podera solicitar a instalación, na citada sección de control, das sondas e equipamentos automáticos de medición en continuo da vertedura que se consideren necesarios para un autocontrol efectivo.

Podera esixirse a realización de controis en continuo naqueles puntos de vertedura cando se advirían afeccións negativas no contorno ou se presuma, razoadamente, que os resultados dos controis periódicos establecidos non garantan unha representatividade suficiente dos niveis de emisión reais. Os equipamentos analizadores *online* de parámetros de contaminación que se empreguen para o control en continuo das verteduras deberán cumprir os seguintes requisitos:

- a) Proporcionar resultados reproducibles e comparables.
- b) Dispor dun certificado oficial de homologación para a medida de concentración do contaminante que analicen, outorgado por algun dos organismos oficialmente reconecidos nos Estados membros de Unión Europea ou, cando haxa reciprocidade, en países terceiros.
- c) Estar calibrados e situados de acordo co que prevexan as normas europeas (EN); en ausencia destas, nas normas UNE; e, en ausencia delas, nas normativas internacionais.

CAPÍTULO V

RÉXIME DE INFRACCIÓN E SANCIÓN

Artigo 28.- Responsabilidade e infraccións

1. As accións e omisións que contraveñan o establecido nesta Ordenanza xeraran responsabilidade administrativa, sen prexuízo da civil ou penal que, de ser o caso, puidese ser esixible.

2. As accións ou omisións que provocasen, directa ou indirectamente, afección a calidade das augas no dominio público hidráulico ou no dominio público marítimo-terrestre serán constitutivas das infraccións que para o efecto preve a lexislación vixente en materia de augas, e serán sancionadas polos órganos administrativos que teñan atribuídas tales competencias.

3. Para a fixación da correspondente responsabilidade, teranse en conta as seguintes regras:

a) Cando existan varios responsables e non sexa posible determinar o grao de participación de cada un deles na comisión da infracción, a responsabilidade esixirase solidariamente.

b) Cando os danos se produzan pola realización de diversas actividades efectuadas por distintos usuarios, poderase imputar individualmente esta responsabilidade e os seus efectos económicos, sempre que fose posible coñecer o grao de implicación de cada unha.

c) Cando se trate de obrigas de carácter colectivo, tales como limpeza, mantemento e conservación de instalacións comúns, a responsabilidade esixíraselle a correspondente comunidade se a houbese e, se non, esixírase solidariamente.

4. As infraccións clasificaranse en leves, graves e moi graves.

5. Consideranse infraccións **LEVES**:

a) A vertedura a rede de saneamento de titularidade municipal de augas residuais de natureza doméstica ou asimilable a doméstica sen contar coa licenza de acometida, cando esta sexa necesaria, ou sen respectar as características das acometidas sinaladas no anexo V.

b) A construción e modificación de sumidoiros, acometidas ou conexións a rede, ou instalacións anexas a esta, mesmo sendo de propiedade particular, sen ter a licenza de acometida, ou sen axustarse as condicións sinaladas na licenza concedida ou as características técnicas esixidas nesta Ordenanza.

c) A utilización de sistemas autónomos de saneamento (fosas sépticas ou similares) non autorizados, o incumprimento das correspondentes obrigas de limpeza e mantemento destes, o non envío a un xestor autorizado do produto resultante das operacións de limpeza ou a conexión a estes sistemas de augas non permitidas na Ordenanza (artigos 9.3 e 9.6) sempre que non produza unha afección ao medio receptor, caso en que terán a consideración de infraccións graves.

d) A non conexión ao sistema de saneamento por parte dos usuarios obrigados a iso, e sempre que non se produza unha clara afección ao medio receptor por parte dos sistemas autónomos empregados, ou ben por xerar escorreduras de augas residuais en terreos públicos ou privados, casos en que tera a consideración de grave.

e) A dilución e a vertedura de augas brancas, agas que se trate dun volume desproporcionado ou que resulte rendible polo beneficio obtido acadar os límites de vertedura por dilución, caso en que tera a consideración de grave.

f) A falta de información a entidade xestora do aumento do volume do caudal de vertedura en máis dun 10%.

g) O incumprimento das condicións establecidas no permiso de vertedura, sempre que non se lles causen danos as instalacións de saneamento municipal, ou ben cando estes danos non superen os 12.000 euros.

h) As accións e omisións das que deriven danos ou perdas para a integridade ou o funcionamento dos bens de dominio público que conforman o servizo de saneamento municipal que non superen os 12.000 euros.

i) No caso de existir unha sección de control, a modificación das súas características ou dimensións, ou a manipulación ou desprecintado dos equipamentos por persoal alieo ao Concello.

j) O incumprimento do plan de autocontrol cando así sexa esixido no permiso de vertedura.

k) A desobediencia aos requirimentos do Concello en relación coa adecuación de verteduras ou instalacións as condicións regulamentarias, e tamen en relación coa remisión de datos e informacións sobre as características do efluente, das actividades ou procesos que o xeran, ou das instalacións de tratamento previo.

l) A vertedura das augas residuais, ou de calquera outro tipo de residuo, mediante sistemas non canalizados (camións cisterna ou doutro tipo) a rede municipal de saneamento, sempre que se trate de verteduras procedentes de actividades domésticas ou asimilables e non estean autorizadas, segundo se establece no artigo 25.

m) Incumprimento de calquera prohibición establecida nesta Ordenanza ou a omisión dos actos a que obriga, sempre que non estean considerados como infraccións graves ou moi graves.

6. Consideranse infraccións **GRAVES**:

a) Calquera conduta indicada no punto 5 da que deriven danos para o dominio público municipal ou perdas superiores a 12.000 euros.

b) A obstrución ao labor inspector do Concello no acceso as instalacións ou a negativa a facilitar a información requirida.

c) A realización de verteduras das substancias prohibidas relacionadas no anexo I-A desta Ordenanza.

d) A vertedura a rede de saneamento de titularidade municipal de augas residuais de natureza distinta a doméstica sen contar co permiso de vertedura correspondente ou con el caducado, revogado ou suspendido.

e) A vertedura a rede de saneamento de titularidade municipal de augas residuais de natureza distinta a doméstica con superación dos valores esixidos nos anexos I e II ou con vulneración dos esixidos no permiso de verteduras.

f) A vertedura de augas residuais sen tratamento previo, cando estas o requiran, ou sen respectar as limitacions especificadas nesta Ordenanza.

g) A non comunicacion de circunstancias que comporten unha revision do permiso de vertedura.

h) A ocultacion ou falseamento de datos esixidos na solicitude de vertedura, e determinantes para o outorgamento do permiso de vertedura e/ou licenza de acometida.

i) A falta de comunicacion das situacions de fugas, avarias, perdas, emerxencia ou perigo que lles poidan afectar as instalacións de saneamento municipal ou causar contaminación ou perigo en bens públicos ou privados, así como o incumprimento das ordes do Concello derivadas de tales situacions de perigo ou emerxencia.

j) A non existencia das instalacións e equipamentos necesarios para a realización dos controis requiridos, ou mantelos en condicións non operativas.

k) A resistencia ou demora na instalación de elementos correctores que fosen esixidos para o cumprimento desta Ordenanza.

l) A posta en funcionamento de aparellos ou instalacións prohibidos ou clausurados.

m) A posta en funcionamento de aparellos ou instalacións non autorizadas, ou diferentes dos aprobados para o permiso de vertedura, así coma o desprecintado, anulacion ou manipulacion dos que fosen colocados polo Concello.

n) A vertedura das augas residuais, ou de calquera outro tipo de residuo, mediante sistemas non canalizados (camions cisterna, ou doutro tipo) a rede municipal de saneamento, sempre que se trate de verteduras procedentes de actividades non domésticas ou asimilables.

7. Consideranse infraccións **MOI GRAVES**:

a) Calquera conduta indicada no punto 6 da que deriven danos ao dominio público municipal ou perdas superiores a 50.000 euros.

b) As infraccións cualificadas como graves no punto 6 que, por cantidade ou contaminación da vertedura, suponan a existencia dun risco moi grave para a saúde das persoas, os recursos naturais ou o medio ambiente.

c) O falseamento e/ou a ocultacion de datos para a obtencion do correspondente permiso de vertedura e/ou licenza de acometida se fose susceptible de producir risco para a saúde ou a seguridade das persoas, para os bens do dominio público que conforman o Servizo Municipal de Saneamento ou para o medio natural receptor final do efluente.

d) O incumprimento das ordes de suspensión de verteduras non permitidas.

e) Evacuacion de verteduras prohibidas nesta Ordenanza ou en condicións diferentes das permitidas, sen autorización administrativa expresa.

Artigo 29.- Sancións

1. As infraccións poderan dar lugar a imposición das seguintes sancións:

a) Multa.

b) Suspensión temporal do permiso de vertedura.

c) Suspensión definitiva, total ou parcial, do permiso de vertedura.

d) Peche de instalacións de vertedura.

e) Prohibición de utilización de instalacións.

2. As infraccións tipificadas no artigo anterior serán sancionadas coas seguintes multas:

a) Infraccións leves: multa de ata 15.000 euros.

b) Infraccións graves: multa dende 15.001 euros ata 60.000 euros.

c) Infraccións moi graves: multa dende 60.001 euros ata 100.000 euros.

3. As sancións graduaranse en función da reincidencia do infractor, da intencionalidade do beneficio obtido, da afección producida ao sistema de saneamento ou a calidade do medio receptor e do dano ocasionado ao interese xeral. En todo caso, para a graduación das sancións terase en conta, ademais dos criterios relacionados, o principio de proporcionalidade consagrado no artigo 131.2 da Lei de rexime xurídico das administracións públicas e de procedemento administrativo común.

Artigo 30.- Criterios para a graduación de infraccións e sancións

1. Para a determinación da maior ou menor gravidade das infraccións definidas nos artigos anteriores, así como da sanción que se deba impor, teranse en conta os seguintes criterios, sen prexuízo dos xa previstos na normativa xeral sobre procedemento administrativo sancionador:

- a. A afección producida aos bens de dominio público que forman parte do Servizo Municipal de Saneamento ou a outros bens de titularidade municipal.
- b. A afección producida polo efluente na calidade do medio receptor.
- c. A súa transcendencia na seguridade das persoas e bens.
- d. A existencia de dolo.
- e. As circunstancias do responsable, o seu grao de participación e a cuantificación do beneficio obtido, de ser o caso.
- f. A reincidencia, pola comisión no termo dun ano de máis dunha infracción da mesma natureza, cando así fora declarada por resolución firme.

2. Considerarase atenuante que a persoa infractora exprese o seu arrepenimento espontáneo e voluntario, cando este se manifeste no reconecemento dos feitos e na dilixente adopción de medidas correctoras para mitigar o dano en principio causado, tendo en conta igualmente os criterios recollidos no punto anterior.

3. Será agravante que na conduta da persoa infractora se aprecie unha especial vontade ou actitude tendente a agravar o dano inicialmente causado, ou que da falta de colaboración ou axuda para a súa reparación ou mitigación se orixine un dano maior do inicialmente previsto.

4. Na imposición da sanción terase en conta, en todo caso, que a comisión da infracción non resulte máis beneficiosa para o infractor que o cumprimento das normas infrinxidas.

Artigo 31.- Prescripción

1. As infraccións reguladas neste capítulo prescribían nos prazos seguintes:

- a) Un ano no caso de infraccións leves.
- b) Tres anos no caso de infraccións graves.
- c) Cinco anos no caso de infraccións moi graves.

O prazo contarase dende a comisión do feito ou dende a detección do dano, se este non fose inmediato.

2. As sancións a que se refire este capítulo prescribían nos prazos seguintes:

- a) As sancións impostas por infraccións leves prescribían ao ano.
- b) As sancións impostas por infraccións graves prescribían aos dous anos.
- c) As sancións impostas por infraccións moi graves prescribían aos tres anos.

O prazo de prescripción comezara a contarse dende o día seguinte a aquel en que adquira firmeza a resolución en vía administrativa pola que se impon a sanción.

Artigo 32.- Potestade sancionadora: órganos competentes, procedemento, medidas cautelares e publicidade

1. A facultade de instruír e resolver os procedementos sancionadores por infraccións a esta Ordenanza compete á Xunta de Goberno Local ou, de ser o caso, ao órgano que tena delegada por esta a competencia, logo da instrución do correspondente expediente, de conformidade cos principios e procedemento regulados na Lei 30/1992, do 26 de novembro, de rexime xurídico das administracións públicas e do procedemento administrativo común, e no Real decreto 1398/1993, do 4 de agosto, polo que se regula o procedemento para o exercicio da potestade sancionadora.

2. A Xunta de Goberno Local será competente, en todo caso, para a sanción de infraccións moi graves.

3. O prazo máximo para a tramitación e resolución do procedemento sancionador será dun ano, contado dende a data do seu inicio. Esgotado o dito prazo, producirase a caducidade do procedemento.

4. Mediante acordo motivado, poderanse adoptar en calquera momento do procedemento medidas preventivas dirixidas a asegurar a eficacia da resolución final que se puidese ditar, o bo fin do procedemento, evitar o mantemento dos efectos da infracción, a esixencia dos intereses xerais... Estas medidas consistirán fundamentalmente en:

- a) Suspensión temporal de actividades, ou permisos, autorizacións ou licenzas.
- b) Establecemento de fianzas que garantan tanto o cobramento da sanción que poida recaer como a reparación ou reposición dos bens danados.
- c) Suspensión provisional dos traballos de execución de obras ou instalacións que contradigan as disposicións desta Ordenanza ou sexan indebidamente realizados.
- d) Requirir ao usuario para que, no prazo que se lle indique, introduza as medidas técnicas necesarias que garantan o cumprimento das prescricións desta Ordenanza.

e) Ordenarlle ao usuario que, no prazo que se lle fixe, introduza nas obras ou instalacións realizadas as rectificacións precisas para axustalas as condicións do permiso de vertedura ou as disposicións desta Ordenanza.

f) Ordenarlle ao usuario que, no prazo que se lle indique, proceda a reparación e reposición das obras e instalacións ao seu estado anterior e a demolición das que foran indebidamente construídas ou instaladas.

g) Impedir os usos indebidos das instalacións para as cales non se obtivese permiso, ou cando non se axusten ao seu contido ou as disposicións desta Ordenanza.

h) Clausura ou precintado das instalacións de vertedura, en caso de que non sexa posible técnica ou economicamente evitar o dano mediante as oportunas medidas correctoras.

i) Calquera outra medida de corrección, control ou seguridade que impida a extensión do dano.

5. Igualmente, e con carácter excepcional, previamente a incoación do expediente sancionador, con audiencia da persoa interesada e mediante resolución motivada, o órgano competente para o exercicio da potestade sancionadora ou aquel ao que lle corresponda a función inspectora poderá adoptar e impoñerlle a persoa presuntamente responsable de calquera dos feitos tipificados como infraccións por esta lei, medidas cautelares, cuxa asunción inmediata sexa necesaria para evitar o mantemento dos danos que puidesen estar sendo ocasionados ou para mitígalos. Estas medidas poderán consistir na paralización da actividade ou obras.

6. En caso de que as medidas cautelares sexan adoptadas por aquel ao que lle corresponda a función inspectora, estas medidas deberán ser ratificadas polo órgano competente para exercer a potestade sancionadora no prazo máximo de catro días naturais.

7. O órgano que exerza a potestade sancionadora publicará no Boletín Oficial da Provincia e na web municipal aquelas sancións impostas pola comisión de infraccións graves e moi graves, así coma os nomes, apelidos ou razón social das persoas físicas ou xurídicas responsables, unha vez que ditas sancións adquiran o carácter de firmes.

Artigo 33.- Reparación do dano causado, obriga de restauración, multas coercitivas e execución subsidiaria.

1. Con independencia das sancións que se imponan, esixiráselles as persoas infractoras a reparación dos danos e perdas ocasionados aos bens de dominio público municipal e patrimonial, así como a reposición das cousas ao seu estado anterior na forma e nos prazos que determine o órgano que exerza a potestade sancionadora, e cando iso non sexa posible fixéranse as indemnizacións que procedan.

2. A esixencia de repor as cousas ao seu estado primitivo obrigará a persoa infractora a destruír ou demoler toda clase de instalacións ou obras ilegais e a executar cantos traballos sexan precisos para tal fin, de acordo cos planos, forma e condicións que fixe o órgano competente.

3. Naqueles supostos en que se aprecie forza maior ou caso fortuito e non exista unha infracción administrativa, pero nos que se produza un dano as instalacións de dominio público que compoñen o Servizo Municipal de Saneamento, ou ao medio natural receptor, a persoa causante do dano terá a obriga de repor as cousas ao seu estado primitivo, o que se concretará na retirada dos obxectos, materiais ou elementos, así como na reparación dos bens de dominio público afectado. Esta obriga de repor en ningún caso terá a consideración de sanción.

4. A esixencia destas medidas reparadoras ou restauradoras, que inclúen as posibles indemnizacións por danos e perdas, poderase facer no propio procedemento sancionador ou, de ser o caso, tramitarse noutro complementario.

5. Se a persoa infractora ou causante do dano non executa as accións necesarias para proceder a reposición ou restauración na forma e prazos sinalados no oportuno requirimento, poderase acordar a execución subsidiaria por conta do infractor e pola súa conta logo do apercibimento e establecemento dun prazo para a execución voluntaria, ou ben a imposición de multas coercitivas. Non será necesario o apercibimento previo na execución subsidiaria cando da persistencia da situación puidese derivar un perigo inminente para a saúde humana ou o medio ambiente.

6. As multas coercitivas serán sucesivas e reiterables, ata conseguir a execución do ordenado. A contía destas multas será por un importe igual ou inferior, en cada caso, ao 10% do custo da reparación ou da cantidade correspondente a infracción cometida. A contía de cada unha das multas coercitivas non superará o importe da sanción fixada pola infracción cometida.

7. A obriga de repor as cousas ao seu estado primitivo ou de reparar os danos causados ao dominio público prescribirá nun prazo de quince anos.

8. Comunicaráselles as autoridades autonómicas competentes en materia de saneamento e depuración a relación de sancións graves e moi graves impostas.

Artigo 34.- Valoración de danos

1. Cando os bens alterados non se poidan restablecer ao seu estado anterior, o infractor deberá indemnizar os danos e perdas ocasionados. A valoración destes danos e perdas será realizada polo Concello.

2. A valoración dos danos as obras hidráulicas, para os efectos de aplicación do rexime sancionador a que se refire este capítulo, determinarase en función dos gastos de explotación e, de ser o caso, de reposición daquelas.

3. Os danos as obras hidráulicas que conforman os sistemas de saneamento calcularanse en euros/día, como resultado da ponderación do custo diario de explotacións das instalacións públicas afectadas en relación co caudal e carga contaminante da vertedura de que se trate.

4. Os servizos competentes do Concello determinaran, de acordo cos orzamentos aprobados para o efecto e as correspondentes certificacións, os gastos de explotación repercutibles ao responsable da vertedura de que se trate.

5. A valoración de danos, que servira de base para a cualificación da infracción e, se e o caso, da indemnización que se deba impor, resultara do cálculo a que se refire o punto 3, multiplicado polo número de días que se considere que a vertedura se mantivo en situación irregular.

6. Para os efectos do disposto no punto anterior, computaranse os gastos correspondentes a todo o período no que a instalación pública de saneamento ou de depuración de augas residuais quedase afectada pola vertedura irregular, aínda que esta fose de carácter puntual. En calquera caso, para os efectos do recollido neste artigo, considerarase que calquera vertedura irregular se mantén durante, polo menos, un día.

7. Nos supostos de verteduras que non dispoñan de tratamento e que deriven dunha actividade non ocasional, presumirase, salvo proba en contrario, que a calidade deles se mantén indefinidamente.

8. Así mesmo, suporase o mantemento da contaminación da vertedura durante o período que medie entre dúas ou máis tomas de mostras consecutivas, cuxos resultados mostren incumprimentos da normativa vixente ou dos límites impostos no correspondente permiso, mesmo a data da toma da mostra seguinte na que a calidade da vertedura cumpre a dita normativa ou cos límites impostos no xa citado permiso.

9. A valoración de danos deberá notificarse ao presunto infractor de forma simultánea co pliego de cargos que se dite no correspondente expediente sancionador.

Disposición transitoria.- Obtención do permiso de vertedura e documentación que deben presentar os usuarios xa existentes

a) Todos os usuarios titulares das actividades indicadas no artigo 14.2 desta Ordenanza deberán presentar no Concello, no prazo dun ano, contado dende a entrada en vigor desta Ordenanza, unha solicitude de permiso de vertedura co fin de se adaptar aos requirimentos e procedementos establecidos nesta Ordenanza.

b) Os usuarios titulares das actividades indicadas no artigo 14.2 desta Ordenanza que dispoñan xa dunha autorización de vertedura en vigor outorgada polo Organismo de cunca ou pola Administración hidráulica competente, ou a autorización ambiental integrada da Consellería de Medio Ambiente, Territorio e Infraestruturas da Xunta de Galicia no caso de actividades comprendidas no ámbito de aplicación da Lei 16/2002, do 1 de xullo, de prevención e control integrados da contaminación (IPPC), unicamente deberán presentar ante o Concello de Barreiros copia desas autorizacións e o informe técnico emitido por un organismo de control autorizado ou por unha entidade colaboradora, así como unha solicitude simplificada coa documentación prevista nos puntos 1, 2 e 3 [a) e b)] do anexo III. Con esta documentación, unha vez revisada, o Concello reserva para si o dereito a solicitarlles aos titulares a documentación adicional ou a adoptar as medidas necesarias para o cumprimento desta Ordenanza.

Disposición derogatoria

Coa entrada en vigor desta Ordenanza quedan derogadas cantas normas municipais de igual ou inferior rango se oponan, contradigan ou resulten incompatibles co regulado nesta.

Disposición derradeira

En todo o non previsto nesta Ordenanza, será de aplicación supletoria o Decreto 141/2012, do 21 de xuno, polo que se aproba o Regulamento marco do Servizo Público de Saneamento e Depuración de Augas Residuais de Galicia, e disposicións que o desenvolvan, así como a normativa básica que, ao respecto, dite o Estado.

ANEXO I

SOBRE A CONTAMINACIÓN DAS VERTEDEURAS

A.VERTEDEURAS PROHIBIDAS

Con carácter xeral, queda prohibido verter directa ou indirectamente ao sistema de saneamento calquera dos seguintes produtos:

a) Materias sólidas ou viscosas en cantidades ou tamaños tales que, por si soas ou por interacción con outras, poidan producir obstrucións ou sedimentos que impidan o correcto funcionamento dos diferentes

elementos da rede de saneamento ou da depuradora de augas residuais, ou dificulten os seus traballos de mantemento.

b) Sólidos, líquidos ou gases combustibles, inflamables ou explosivos.

c) Sólidos, líquidos ou gases irritantes, corrosivos ou tóxicos.

d) Substancias sólidas potencialmente perigosas.

e) Microorganismos nocivos ou cultivos celulares sen desactivar.

f) Materias que, por razón da súa natureza, propiedades ou cantidades, por si mesmas ou por integración con outras, poidan orixinar:

_ A formación de mesturas inflamables ou explosivas co aire.

_ A creación de atmosferas molestas, insalubres, tóxicas ou perigosas que impidan ou dificulten o traballo do persoal encargado da inspección, limpeza, mantemento ou funcionamento do sistema de saneamento.

g) Residuos radioactivos.

h) Todos aqueles produtos considerados na vixente lexislación sobre residuos perigosos ou sanitarios, para o cal todos os titulares e usuarios afectados disporan do número de rexistro como produtor de residuos perigosos (RP), segundo o disposto na lexislación vixente e levaran un rexistro dos residuos perigosos xerados e entregados a xestor autorizado.

i) Os que poidan producir concentracións de gases nocivos na atmosfera da rede de saneamento superiores aos límites seguintes:

| Produto | Unidade | Valor límite permitido |
|---------------------------------------|---------|------------------------|
| Dióxido de xofre (SO) | ppm | 5 |
| Monóxido de carbono (CO) | ppm | 25 |
| Ácido sulfhídrico (SH) | ppm | 10 |
| Ácido cianhídrico (CNH) | ppm | 4,5 |
| Amoníaco (NH) | ppm | 20 |
| Dióxido de carbono (CO ₂) | ppm | 15.000 |
| Bromo (Br) | ppm | 0,1 |
| Cloro (CL) | ppm | 1 |

***ppm: partes por millón (v/v)**

B.CONTAMINANTES DAS AUGAS

Consideranse como contaminantes das augas as substancias que figuran relacionadas no anexo III do Real decreto 60/2011, do 21 de xaneiro, que son os seguintes:

a) Compostos organohaloxenados e substancias que poidan dar orixe a compostos desta clase en medio acuático.

b) Compostos organofosforados.

c) Compostos organoestánicos.

d) Substancias e preparados, ou produtos derivados deles, cujas propiedades cancerixenas, mutaxénicas ou que lles poidan afectar a tiroide, esteroidoxénica, a reprodución ou a outras funcións endócrinas no medio acuático ou a través dun medio acuático esten demostradas.

e) Hidrocarburos persistentes e substancias orgánicas tóxicas persistentes e bioacumulables.

f) Cianuros.

g) Metais e os seus compostos.

h) Arsenico e os seus compostos.

i) Biocidas e produtos fitosanitarios.

j) Materias en suspensión.

k) Substancias que contribúen a eutrofización (en particular nitratos e fosfatos).

l) Substancias que exercen unha influencia desfavorable sobre o balance de oxixeno (y computables mediante parametros tales como DBO e DQO).

C. VERTE DURAS CON SUBSTANCIAS PERIGOSAS

Sera de aplicacion o disposto nos Anexos I e II do Real decreto 60/2011, do 21 de xaneiro, polo que se aproban as normas de calidade ambiental no ambito da politica de augas.

ANEXO II

VALORES LÍMITE DE VERTE DURADA OU DE EMISIÓN

Valores límite de vertido ou de emisión

| PARAMETRO | UNIDADES | NOTAS | VALOR MEDIO DIARIO MÁXIMO | VALOR INSTANTÁNEO MÁXIMO |
|-----------------------|--------------|-------|----------------------------------|----------------------------------|
| 1,2 Dicloroetano | Mg/L | 10 | 0,4 | 0,4 |
| Aceites y grasas | Mg/L | 2, 11 | 100 | 150 |
| Aldehídos | Mg/L | 10 | 2 | 2 |
| Aluminio | Mg Al/L | 3, 10 | 10 | 10 |
| Amoníaco | Mg/L | 10 | 30 | 30 |
| AOX | Mg/L | 4, 10 | 2 | 2 |
| Arsénico | Mg As/L | 3, 10 | 0,1 | 1 |
| Bario | Mg Ba/L | 3, 10 | 10 | 10 |
| Boro | Mg B/L | 3, 10 | 3 | 3 |
| BTEX | Mg/L | 4 | 5 | 5 |
| Cadmio | Mg Cd/L | 3, 10 | 0,1 | 0,1 |
| Cianhídrico | Cc/m3 de ar | | 10 | 10 |
| Cianuros | Mg CN/L | 3, 10 | 0,5 | 0,5 |
| Cianuros disueltos | Mg CN/L | 3 | 1 | 1 |
| Cloro | Cc/3 de ar | | 1 | 1 |
| Cloruros | Mg Cl/L | 11 | 2.000 | 2.000 |
| Cobre | Mg Cu/L | 3, 10 | 1 | 3 |
| Conductividad a 25°C | µS/cm | 11 | 5.000 | 5.000 |
| Color | Escala Co/Pt | 11 | Inapreciable en dilución 1/40 | Inapreciable en dilución 1/40 |
| Cromo VI | Mg Cr(VI)/L | 3, 10 | 0,5 | 0,5 |
| Cromo total | Mg Cr/L | 3, 10 | 2 | 2 |
| DBO5 | Mg O2/L | 11 | 500 | 1000 |
| DBO5/DQO | --- | -- | ≥0,3 | --- |
| DQO | Mg O2/L | 11 | 1000 | 1500 |
| Dióxido de azufre | Mg/L | 10 | 15 | 15 |
| Estaño | Mg Sn/L | 3, 10 | 3 | 3 |
| Fenoles totales | Mg/L | 6 | 1 | 1 |
| Fluoruros | Mg F/L | 10 | 10 | 10 |
| Fosfatos | Mg/L | 11 | 60 | 60 |
| Fósforo total | Mg P/L | 11 | 40 | 40 |
| Hidrocarburos totales | Mg/L | 7, 10 | 15 | 15 |

| | | | | |
|--|-------------|-------|----------|----------|
| Hidrocarburos aromáticos policíclicos | Mg/L | 10 | 0,2 | 0,2 |
| Hierro | Mg Fe/L | 3, 10 | 10 | 25 |
| Manganeso | Mg Mn/L | 3, 10 | 5 | 10 |
| Materias inhibidoras | Equitox | 8, 10 | 20 | 25 |
| Mercurio | Mg Hg/L | 3, 10 | 0,01 | 0,01 |
| Níquel | Mg Ni/L | 3, 10 | 2 | 4 |
| Nitratos | Mg N/L | 11 | 50 | 50 |
| Nitróxeno amoniacal (N-NH4+) | Mg N/L | 11 | 30 | 50 |
| Nitróxeno total Kjeldahl | Mg N/L | 11 | 40 | 50 |
| NTK/DBO5 | --- | --- | ≤0,2 | --- |
| Nonilfenol | Mg/L | 10 | 1 | 1 |
| Percloroetileno | Mg/L | 10 | 0,4 | 0,4 |
| Pesticidas | Mg/L | 10 | 0,1 | 0,1 |
| PH | u de pH | 10 | 5,5-9,0 | 5,5-9,0 |
| Plaguicidas totales | Mg/L | 10 | 0,1 | 0,1 |
| Plata | Mg Ag/L | 3, 10 | 1 | 1 |
| Plomo | Mg Pb/l | 3, 10 | 0,1 | 0,5 |
| Selenio | Mg Se/L | 3, 10 | 0,5 | 0,5 |
| Sólidos en suspensión | Mg/L | 11 | 500 | 1000 |
| Sólidos gruesos | Mg/L | 11 | Ausentes | Ausentes |
| Sulfatos | Mg SO4/L | 11 | 400 | 1000 |
| Sulfhídrico | Cc/m3 de ar | 10 | 20 | 20 |
| Sulfitos | Mg SO3/L | 11 | 10 | 20 |
| Sulfuros disueltos | Mg/L | 11 | 0,3 | 0,3 |
| Sulfuros totales | Mg S/L | 11 | 30 | 50 |
| Temperatura | °C | 11 | 30 | 50 |
| Tensoactivos aniónicos | Mg MBAS/L | 9, 10 | 6 | 20 |
| Triacinas totales | Mg/L | 10 | 0,3 | 0,3 |
| Tributilestaño | Mg/L | 10 | 0,1 | 0,1 |
| Triclorobenceno | Mg/L | 10 | 0,2 | 0,2 |
| Zinc total | Mg Zn/L | 3, 10 | 1 | 2 |

NOTAS

1. Intervalo admisible para o valor de pH.
2. Valor limite referido ao contido en aceites e graxas de orixe vexetal ou animal.
3. Valor limite referido ao contido total en metal.
4. Suma de benceno, tolueno, etilbenceno e xileno.
5. Valor limite referido ao contido en compostos organohaloxenados absorbibles.

Poderanse observar valores superiores de AOX naqueles casos en que se cumplan os valores de organoclorados individualizados recollidos neste anexo III, sempre que así o autorice a entidade xestora.

6. Valor limite expresado como fenol.

7. Valor limite referido ao contido en hidrocarburos totais, incluíndo aceites minerais.
8. Inhibición de luminescencia de *Vibrio fisheri*.
9. Valor limite expresado como laurilsulfato [MBAS calculadas como sal sodico do ácido dodecano-1-sulfónico (SAL)].
10. Parametros contaminantes dificilmente tratables na EDAR ou con impacto significativo sobre os obxectivos de calidade no medio receptor e os potenciais usos das augas naturais.
11. Parametros tratables na EDAR ou de impacto pouco significativo sobre os obxectivos de calidade dun medio receptor.

ANEXO III

SOLICITUDE DO PERMISO DE VERTEDEURA Á REDE PÚBLICA MUNICIPAL DE SANEAMENTO

- 1) Solicitude: nome, domicilio social, enderezo do establecemento, telefono, distrito postal, localidade, NIF, caudais de vertedura en m³/ano e m³/día, identificación do sistema de saneamento ao que se pretende verter.
- 2) Xunto aos datos de identificación, expóranse de xeito detallado as características da vertedura, en especial:
 - a) CNAE(s)
 - b) Clasificación da actividade segundo o Regulamento do dominio público hidráulico (véxase o anexo IV).
 - c) Descrición do proceso produtivo que dá lugar a vertedura.
 - d) Volume de auga consumida ou que se consumira, especificando a(s) fonte(s) de subministración.
 - e) Características da contaminación das augas xeradas antes e despois do tratamento.
 - f) Variacións estacionais no volume e/ou características de contaminación das augas residuais vertidas.
 - g) Plano da rede de recollida de augas residuais e punto(s) de conexión aos sumidoiros indicando a localización das arquetas de control.
- 3) Proxecto técnico das obras:
 - a) Antecedentes:
 - Obxecto: obtención do permiso de vertedura ou a súa revisión (neste último caso, achegárase unha copia do permiso vixente).
 - Características da localización da actividade.
 - Punto de conexión a rede de saneamento con coordenadas UTM.
 - b) Memoria descritiva:
 - Datos de produción: actividade desenvolvida, materias primas empregadas e produtos resultantes expresados en toneladas/ano.
 - Procesos industriais.
 - Balance de augas: fontes de abastecemento, título concesional, volume abastecido e a súa distribución no proceso industrial, volume de vertedura.
 - Características do efluente: informe analítico de cada punto de vertedura.
 - c) Memoria técnica das instalacións de tratamento previo:
 - Sistemas e unidades de tratamento: descrición do sistema de tratamento existente, con cálculos hidráulicos do dimensionamento (volumes, cargas hidráulicas, tempos de retención) e xustificación de operacións unitarias e procesos; descrición detallada de equipamentos instalados, potencias de bombeo, materiais de construción; medidas de seguridade para evitar verteduras accidentais, instrumentos de control propostos, proposta de seguimento e control da calidade do efluente, produción, cantidade e destino dos residuos xerados.
 - Planos: situación dentro do concello (1:50000); situación xeral do establecemento (1:5000); detalle do establecemento (1:1000); planta e alzado do sistema de depuración (1:100).
 - En caso de que as instalacións de tratamento ocupen propiedades de terceiros, deberáse achegar autorización expresa do titular do terreo.
 - d) Cando o exercicio da actividade comporte a utilización de tanques de almacenamento soterrados, deberáse presentar un estudo de avaliación dos efectos ambientais que inclúa a avaliación das condicións hidroxeolóxicas da zona afectada, do eventual poder autodepurador do solo e subsolo, e dos riscos de contaminación. Tamén se fará constar a eventual proximidade de captacións de auga, así como as precaucións técnicas adoptadas para evitar a percolación e a infiltración de hidrocarburos.

e) Plan de emerxencia do sistema de acordo coa lexislacion sectorial aplicable.

4) O solicitante do permiso de vertedura debera presentar a documentacion sinalada nos puntos anteriores en formato electronico para o seu exame polos tecnicos municipais e nos soportes e aplicacions que se determinen polos devanditos servizos tecnicos.

ANEXO IV

CLASIFICACIÓN DOS SECTORES INDUSTRIAIS

Tal como figura nas notas (***) do anexo IV do Real decreto 849/1986, do 11 de abril, polo que se aproba o Regulamento de dominio publico hidraulico, que desenvolve os titulos preliminar, I, IV, V, VI e VII da Lei de augas.

| Clase | Grupo | Sector industrial |
|---------|---------|---------------------------|
| Clase 1 | 0 | Servizos |
| | 1 | Enerxía e auga |
| | 2 | Metal |
| | 3 | Alimentación |
| | 4 | Conserveira |
| | 5 | Confección |
| | 6 | Madeira |
| | 7 | Manufacturas diversas |
| Clase 2 | 8 | Minaría |
| | 9 | Química |
| | 10 | Materiais de Construcción |
| | 11 | Bebidas e tabaco |
| | 12 | Aceites, carnes e lácteos |
| | 13 | Téxtil |
| | 14 | Papel |
| | Clase 3 | 15 |
| 16 | | Tratamento de superficies |
| 17 | | Zootecnia |

ANEXO V

CARACTERÍSTICAS TÉCNICAS DA ACOMETIDA

O deseño e construcion das acometidas deberase axustar as seguintes características tecnicas minimas, que poderan ser complementadas polas condicións tecnicas que dispoña o Concello de Barreiros en cada caso en atención as características peculiares das instalacións.

1.- Cada inmoble dispora de dúas únicas acometidas a rede xeral, unha para as augas residuais e outra para a recollida das augas pluviais.

2.- Como norma xeral, a acometida deberase realizar a un pozo de rexistro da rede e pola parte superior.

3.- A acometida realizarase por medio de canalización de PVC con diámetro interior conforme a o CTE, nunca menor de \square 160 mm, con unión de xunta elástica, e cumprira coa Norma UNE-EN 1401. Os tubos apoiaranse en toda a súa lonxitude sobre un leito de material granular (area/grava). Compactaranse os laterais e deixaranse ao descuberto as unións ata realizarse as probas de estanquidade. O recheo realizarase por capas de 10 cm, compactando, ata 30 cm. Dende o nivel superior en que se realizara a última vertedura e a compactación final.

4.- A pendente mínima das conducións que formen parte da acometida será do 2%, salvo casos especiais debidamente xustificados e autorizados.

5.- As instalacións hoteleiras, talleres, grandes bloques de apartamentos e outros edificios singulares, estacións de servizo, talleres de automóbiles, garaxes, grandes centros de alimentación e/ou elaboración de comidas e procesamento de alimentos e, en xeral, naqueles establecementos en que se desenvolvan actividades

susceptibles de xerar aceites e graxas deberan, antes da acometida e no interior da propiedade, construír un separador de graxas e sólidos, cuxo dimensionado se xustificara axeitadamente segundo as normas técnicas establecidas.

6.- A acometida de augas residuais debera ter un dispositivo sifónico que evite o paso de malos cheiros, desenhado de acordo co documento básico HS do Código técnico da edificación, que ira situado nunha arqueta previa a sección de control. O conduto de saída das augas ira provisto dun cobado de 90°, disponendo dun cerramento hidráulico de polo menos 50 mm.

7.- No caso de establecementos que vertan augas residuais de carácter non doméstico, a arqueta de rexistro debera estar situada no exterior do inmovible.

A dita arqueta debera dispor, cando o permiso de vertedura así o estableza, dun elemento de medida homologado cun rexistro totalizador para a determinación exacta do efluente vertido.

A arqueta de rexistro debera ser dun tamaño axeitado a tubaxe, permitindo o seu rexistro e limpeza, e cunhas dimensións interiores non inferiores a 50 x 50 x 50 cm.

8.- A arqueta de rexistro correspondente a acometida de augas pluviais debera dispor dun areeiro, accesible en todos os casos e sempre dende o propio local onde se atope instalado, construída con fábrica de ladrillo macizo, formigón *in situ*, formigón prefabricado ou materiais plásticos. Apoiaranse sobre unha soleira de formigón H-2° de 10 cm de grosor e cubriranse cunha tapa de formigón prefabricado de 5 cm de grosor, de fundición dúctil ou de calquera outro material aprobado polo Concello.

9.- Todos os usuarios deberan dispor dunha sección de control (individual ou colectiva) na acometida, a cal vira definida na súa licenza de acometida ou no seu respectivo permiso de vertedura, que se construíra tendo en conta as seguintes características técnicas:

a) Disporase dunha sección de control para cada tipo de vertedura de auga autorizada, que debera reunir as características necesarias para poder obter mostras representativas das verteduras.

b) A sección de control debera ser dun tamaño axeitado aos condutos empregados e cunhas dimensións axeitadas para o seu respectivo rexistro e limpeza. Debera permitir, de ser o caso, a instalación de equipamentos de medida. Debera ser construída con fábrica de ladrillo macizo, formigón *in situ*, formigón prefabricado ou materiais plásticos. Apoiaranse sobre unha soleira de formigón H-20 de 10 cm de grosor e cubriranse cunha tapa de formigón prefabricado de 5 cm de grosor, de fundición dúctil ou de calquera outro material aprobado polo Concello.

c) Diferenciáanse dous tipos principais de sección de control: a sección de control de usuarios domésticos (tipo I) e a sección de control de usuarios non domésticos (tipo II).

d) A sección de control tipo I debera estar situada preferentemente nunha zona privada común e con libre acceso ao persoal de inspección. Esta sección terá unhas dimensións mínimas de 50 x 50 x 50 cm se e de sección cadrada, ou de 80 cm de diámetro se se trata dun pozo. Contará con pates de baixada se a profundidade así o require, e o fondo rematarase en forma de media cana con plataformas laterais para evitar sedimentacións.

e) A sección de control de tipo II terá unha dimensión mínima de 80 x 80 se e sección cadrada ou 80 de diámetro; debera estar situada preferentemente fora do inmovible, en terreos do propio usuario e sen afectar a vía pública; augas abaixo da última vertedura (de maneira que non se poidan alterar as características finais do fluente); estará libre de todo obstáculo e atoparase en idóneo estado de limpeza para a súa función. O equipamento fluente desta sección de control tipo II será definido polos técnicos municipais no correspondente permiso de vertedura de acordo co disposto no artigo 18, alínea i).

f) As seccións de control terán unha tapa de fundición ou de calquera outro material aprobado polo Concello, con resistencia axeitada ao peso que deba soportar o tráfico (persoas ou vehículos), será hermetico con xunta de goma para evitar o paso de olores e gases e disporá dun sistema de peche que impida a manipulación por persoal non autorizado. A tapa terá unhas dimensións axeitadas para facilitar o acceso as persoas, se fose necesario, e para o paso dos equipos de mostraxe. En todo caso, a responsabilidade do seu mantemento será exclusivamente do titular da acometida.

g) En función dos parámetros establecidos no permiso de vertedura, ou cando as condicións do desaugadoiro o fagan aconsellable, a entidade xestora poderá autorizar a construción dunha sección de control que integre nunha soa arqueta ou cámara o sistema sifónico e a sección de control.

10.- Realizaranse probas de estanquidade parcial descargando cada aparello illado ou simultaneamente, verificando os tempos de desaugadoiro, os fenómenos de sifonaxe que se produzan no propio aparello ou nos demais conectados a rede, ruidos en desaugadoiros e canalizacións e comprobación de cerramentos hidráulicos.

Non se admitirá que quede no sifón dun aparello unha altura de cerramento hidráulico inferior a 25 mm.

Na rede horizontal probarase cada tramo de tubaxe, para garantir a súa estanquidade introducindo auga a presión (entre 0,3 e 0,6 bares) durante dez minutos.

As arquetas e pozos de rexistro someteranse a idénticas probas, enchendoos previamente de auga e observando se se advirte ou non un descenso de nivel.

Controlaranse ao 100% as unions, entroncamentos e/ou derivacions.

Para un correcto funcionamento da instalación de saneamento, deberase comprobar periodicamente a estanquidade xeral da rede coas súas posibles fugas, a existencia de cheiros e o mantemento do resto de elementos.

11.- Cando o nivel de desaugadoiro particular non permita a condución a rede de sumidoiros por gravidade, a elevación deba ser realizada polo titular da acometida. Neste caso as instalacións interiores de desaugadoiro deban ser completamente estancas a presión de 1 kg/cm².

12.- Sempre que existan espazos habitables que teñan a necesidade de acometer a rede de sumidoiros e a súa soleira ou forxado do solo se atope a unha cota inferior do nivel da rasante da rúa, terán que bombear obrigatoriamente a vertedura que xere ese espazo a arqueta comunitaria –se se trata dunha vertedura doméstica– ou a unha arqueta particular previa a esta –se se trata dunha vertedura non doméstica (industrial ou especial)–. Este artigo será de obrigado cumprimento, aínda que os ditos espazos tivesen cota suficiente de vertedura por gravidade a rede municipal.”

Barreiros, 20 de xaneiro de 2015. O Alcalde. J. Alfonso Fuente Parga

R. 0249

BEGONTE

Anuncio

INFORMACIÓN PÚBLICA

FORMALIZACIÓN DE CONTRATO.-

Para cumprilo establecido no artigo 154.2 do Texto Refundido da Lei de Contratos do Sector Público, aprobado polo Real Decreto Legislativo 3/2011, de 14 de novembro, faise público a formalización do seguinte contrato:

1.- Entidade adxudicadora:

- a)Organismo: Concello de Begonte.
- b)Dependencia de tramitación do expediente : Secretaría- Intervención.
- c)Dirección de Internet do perfil de contratante : www.concellodebegonte.es

2.- Obxecto do contrato:

- a)Tipo de contrato: Servizos.
- b)Descrición do obxecto: AXUDA NO FOGAR - MODALIDADE DEPENDENCIA.

3.- Tramitación e procedemento de adxudicación:

- a) Tramitación: Ordinaria.
- b) Procedemento : Aberto con varios criterios de adxudicación.

4.- Orzamento base de licitación: 411.988,00 € (396.194,96 € de principal e 15.793,04 € de IVE) .

5.- Formalización do Contrato :

- a)Data de adxudicación : 16 de Decembro de 2014
- b)Data de formalización : 19 de Xaneiro de 2015
- c)Contratista: SERVICIOS SOCIAIS VIRXE DO CARME, S. L.
- d)Importe da adxudicación: 408.452,26 € (392.742,56 € de principal e 15.709,70 € de IVE.

Begonte, 20 de Xaneiro de 2.015. O ALCALDE-PRESIDENTE.- Asdo. José Ulla Rocha

R. 0250

CARBALLEDO

Anuncio

n sesión plenaria celebrada o 27 de novembro de 2014 aprobouse inicialmente o Regulamento sobre exclusión da obriga de presentar factura electrónica para facturas de ata 5.000,00€ do Concello de Carballedo.